

Libellus secundus, quo confirmatur: cicutam, etc / [Anton Störck].

Contributors

Störck, Anton, Freiherr von, 1731-1803.

Publication/Creation

Vienna : J.T. Trattner, 1761.

Persistent URL

<https://wellcomecollection.org/works/mnhpsg3j>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

ANTONII STÖRCK,

SACRÆ CÆSAR. REG. APOST. MAJESTATIS CONSILIARIII AULICI,
ARCHIATRI, ET IN NOSOCOMIO CIVICO PAZMARIANO PHYSICI,

L I B E L L U S
S E C U N D U S,

QUO CONFIRMATUR:

C I C U T A M


NON SOLUM USU INTERNO TUTISSIME EXHIBERI, SED ET
ESSE SIMUL REMEDIUM VALDE UTILE IN MULTIS
MORBIS, QUI HUCUSQUE CURATU IMPOSSIBILES
DICEBANTUR.



VINDOBONÆ,

TYPIS JOANNIS THOMÆ TRATTNER, CÆS. REG.
MAJEST. AULÆ TYPOGRAPHI.

M DCC LXI.



A U G U S T I S S I M Æ
R O M A N O R U M
I M P E R A T R I C I
M A R I Æ T H E R E S I Æ,
&c. &c. &c.
D O M I N Æ
S U Æ C L E M E N T I S S I M Æ

ANTONIUS STÖRCK,

СИРАГУЛОВИА
ПЕЧОМОЛ
ТОЯГДАЧМІ
СИЛАНТ СІЛДАМ
СІРІСІЗ
ДОМІНІ
СІЛДАМДАСЫР

СИКОЛДА

AUGUSTISSIMA ROMANORUM
IMPERATRIX!

*S*Umma TUA Clementia, qua pri-
mum de cicuta libellum accepisti, me
incitavit ad hunc laborem ulterius con-
tinuandum, perficiendum.

MICRONAMEN AMERIKAENSIA
IN LIBRARY OF THE UNIVERSITY

*Nova itaque tentamina cum eadem
planta institui, morborum historias &
curationes magna diligentia adnotavi,
& ex his secundum hoc volumen com-
posui.*

*Valde utilia continentur, & demon-
stratur evidenter posse dirissimos mor-
bos sola cicuta levari, curari.*

*Multi nunc servantur ægri, qui sine
hoc remedio interiissent.*

*Cum vero omnia TIBI, AUGUS-
TISSIMA DOMINA! sint grata,
quæ in emolumentum reipublicæ fiunt,
spem babeo fore, ut & hocce opuscu-
lum, TUÆ MAJESTATI sacrum,
benigne recipias.*



P R A E F A T I O.

Q U O sæpius cicutam ægris exhibeo, eo majorem semper in hac planta virtutem & efficaciam admiror.

Innumeri fere sunt morbi, in quibus optime convenit, conducit.

Nihilominus nequaquam opus est, ut multa cicutæ encomia hic recitem, cum ipsa experimenta, accuratissime instituta, loquantur.

Gratu-

Gratulabar mihi frequenter, & gaudebam multum, dum vidi ægros ab aliis pro perditis habitos, jamque fato relictos, mea cicuta revixisse, & convalescere integerrime.

Quidne homini sanitatem charius?

Impendam propterea omne tempus, quod mihi a labore necessario superfuerit, ad eruenda & detegenda talia remedia, quæ morbos graves & curatum summa difficultate debellarent, fugarent.

Nec inani felicis successus spe alor.

Nil tamen, quod temerarium foret, audebo; sed omnia & in brutis & in me experiar, antequam ea homini ægrotanti præbuero.

Et hac ratione ero tutus, securus.



P R A E F A T I O.

MUlti dantur morbi, quos nec antiqui medici, nec recentiores, in arte quamvis peritissimi, curare, noverunt; idque vel ideo, quum nullum adhuc remedium detectum fuit, quod his morbis debellandis sufficeret.

Ut igitur ad simile remedium eruendum omnes nostros intendamus nervos, suadet ratio, officium jubet.

An fors in plantis, quarum virtutes nos ignoramus, aut quas pro suspectis habemus, simile quid latet?

Ego sane! usu *Cicutæ*, medicamentum tentasse, mihi videor, quod in solvendis inveteratis scirrhis, & in sanandis cancris valde utile esse poterit.

B

Neque

P R A E F A T I O.

Neque tamen hujus plantæ vim specificam hic deprædico, neque cujusdam inventi gloriam ambo; sed desiderio unice, ut mei conatus in afflicti generis humani utilitatem & emolumendum cedant, & applicentur.

Quapropter nolle, quis invidia, aut ambitione experimenta turbet.

Opusculum in tria capita dividitur:

Primum continet plantæ, et remedii descriptionem.

Secundum recenset casus, in quibus hoc remedium fuit adhibitum.

Tertium adfert quædam corollaria.





C A P U T I.

IN locis umbrosis & pinguis-
bus, prope fossas aggeres-
que agrorum, pratorumque
sepimenta crescit planta umbellifera,
quæ mense Jul. floret. *Folia* ejus
longis, crassis, cavis pedunculis ap-
pensa, plurifariam *Myrrhidis* modo in
alas plurimas tenues, atrovirentes di-
visa sunt. *Culmus* procerus, ferulaceus,
glaber, lævis, crassus, intus inanis,
dilute virens, nonnullis attamen sub-
rubentibus veluti serpentum maculis
respersus, supra tres non raro cubitos
assurgit. *Umbellæ* fastigia occupant.

Candidi in his sunt *Flosculi*. *Semina* postea anisi æmula, aliquanto candiora. *Radix* dodrantalis, crassitudinis digiti, quando caulem facit, cava est interius, prius autem solida. Odor est ingratus, fœtidus. Vide *Morison*, Tom. 3. p. 290.

Hanc herbam vocaverunt Botanici *Cicutam vulgarem*; & Germanico idiomate dicitur *Schirling*.

Plinius scribit caulem cicutæ viridem a multis impune comedì.

Rajus perhibet quendam nomine *Boule* cicutæ radicem ad scrupulum unum in febribus malignis, & quartanis dedisse, & omnibus diaphoreticis prætulisse.

Renealmus in Observat. 3. & 4. ad *Scirrhos hepatis, lienis, pancreatis* solvendos scrupulum unum aut drach. β. radicis cicutæ in substantia exhibuit; aut dedit infusum cum drach.

j. vel

j. vel drach. ij. hujus radicis factum.

Multa emplastra & linimenta officinalia succum cicutæ recipiunt.

Cæteroquin autem fere ab omnibus authoribus carbone nigro notatur, recensetur inter venena, damnatur, atque ideo ex medicina penitus exulavit.

Copiose ubique invenitur ; nec tam in hortis utilitatem aut locum habet, neque ad sananda pecora, minus ad curandos homines nunc adhibebatur.

Hinc prodiit semper frustra, & sine usu iterum exaruit.

Novimus tamen omnes, nil a *Deo optimo* creatum esse, quod non foret bonum & utile :

Unde apud me statui, hujus herbæ virtutes præ omnibus aliis experiri, atque ideo plurimos veteres ac recentiores scriptores hac super re legi, & consului.

Legendo autem inveni, hanc herbam usu externo antiquis maxime temporibus ad tumores frigidos dissipandos, ad scirrhos solvendos, cancrorumque dolores mitigandos magno cum effectu fuisse adhibitam.

Eam vero, interne datam, teterimum venenum esse, omnes clamitarunt.

Prima itaque pericula externo usu erant facienda.

Quapropter hanc herbam siccatam, & consciissam intra lintermina decussatis filis in matratium confui, simile matratium in aqua ebulliente per aliquot minuta reliqui, dein, expresso superfluo liquido, ad partes affectas calide applicui.

Hac ratione pessimæ gangrænæ progressum aliquoties inhibui, & corruptum a fano separavi.

Qui talia matratia, aquæ incocta, ob
ingratum fœtorem, aut natum inde pru-
ritum ferre non poterant, iis lacti in-
cocta adhibui.

Hæc dein facile tulerunt, nec quid
mali experti sunt, & omnes habuerunt
levamen.

Viro sexagenario, a multis annis do-
loribus podagrīcīs divexato, non tantum
simili fomento dolores mox sedavi, sed
& tophos podagricos integre emollivi,
& dispuli.

Unde factum est, ut rediens poda-
gra nec amplius adeo violenta, nec
diuturna fuerit.

In annoso rheumatismo, & dolore
arthritico, pilulis postea describendis,
& fomento ex *Cicuta ægris* aliquoties
magnum levamen attuli, quosdam pe-
nitus liberavi.

Aliquos tamen, continuato licet usu, nequaquam juvi; nemini autem, quantum ego novi, nocui.

In strumis scirrhosis, in induratis glandularum, mammarum, & in pessimis cancris non exiguos effectus vidi, & expertus sum.

Ubi tamen tumores inflammatorii, aut serosi calidi adsunt, ibi tale fomentum ex cicuta minus convenit.

Poterit tamen & in his casibus habere locum, si debitæ antea evacuationes fiant.

Emplastra, quæ succum *Cicutæ* recipiunt, magnam quoque utilitatem in medicina habent, & talia sæpe solvunt & dissipant, quæ omnibus aliis resistunt.

Unde suspicari cœpi, an non in succo cicutæ vis illa solvens, penetrans, & discutiens lateret?

Succum igitur ex *Cicuta* expressi, & in vase terreo lentissimo igne in extratum inspissavi. Hoc

Hoc extractum ilico in homine tentare, nefas erat.

Qua de causa cani parvo, famelico, ter de die dedi scrupulum unum hujus extracti & frustum carnis.

Sedulo tunc attendi, quænam in cane mutationes fierent.

Verum canis mansit sanus, alacer, & magno desiderio offam exspectavit.

Secundo die, data eadem extracti quantitate, idem expertus sum.

Neque tertio die malum in cane symptomata adverti.

His audacior redditus, in me ipso experimentum feci.

Mane ac vesperi sumsi granum unum hujus extracti, & vasculum unum infusi theæ hausi desuper.

Diætam tunc paulo strictiorem observavi, ut ilico adverterem, si quid insoliti in meo corpore fieret.

Tali dosi per octiduum continuavi,
nec minimam inde molestiam sensi; fui
agilis, robustus, optimam habui memo-
riam, appetii, placide dormivi.

Altera septimana auxi dosin, & jam
imane & vesperi duo grana deglutivi,
neque inde quid mali aut insoliti in
meo corpore ortum est.

Jam ergo optimo jure & salva con-
scientia hoc in aliis mihi licuit tentare.

Quæ autem radici cicutæ vis inesset?
quoque scire volui.

Radix recens dum in taleolas discin-
ditur, fundit lac, quod gustu ama-
rum & acre est.

Hujus lactis unam alteramve guttu-
lam linguæ apice delibavi.

Mox lingua facta est rigida, inti-
muit, valde doluit, & ego nec verbum
loqui poteram.

Sinistro hoc eventu terrefactus mul-
tum timui.

Ex lectione tamen autorum memini,
quod acida similiū medicamentorum
viribus resistant, & virulentiam ener-
vent.

Hinc succo citri linguam totam ab-
lui, & apicem hoc succo perfricui; quo
facto, statim magnum levamen percepī,
abierunt dolores, tensiones, & balbu-
tire potui.

Post horæ quadrantem idem repetii,
& tunc cœperam paulo liberius loqui.

Iteratis dein vicibus applicato hoc
succo tandem post binas horas lingua
libera facta est, & evanuit omnis me-
tus.

An non igitur in lacte radicis maxi-
mum virus latet?

Radix exsiccata, & in pulverem re-
ducta, minus nociva est.

Etenim hujus pulveris granum unum
aut duo aliquoties sine noxa assuſi.

Dum

Dum de his certus fui, pilulas sequentes paravi:

R. Herbæ recentis cicutæ q. s.

Exprimatur succus, isque recens lentissimo igne in vase terreo (sæpius agitando, ne amburatur) coquatur ad spissi extracti consistentiam, hoc extractum, s. q. pulveris foliorum cicutæ in massam pilularem subigatur; ex qua fiant pilulæ granorum duorum.

Si ex cicuta sufficiente quantitate aquæ aliquamdiu cocta succus exprimatur, tunc fit extractum minus efficax; attamen utile.

Pilulæ possunt argento vel auro obduci, vel diversis pulveribus confusari, ut odor ingratus evitetur.

Vel idem extractum poterit in bolis, in mistura, aut alia quacunque convenienti forma exhiberi, ne ægri diuturno usu abhorreant, & defatigentur.

A minima dosi semper incepi, & sub initium mane & vesperi unicam solummodo pilulam exhibui, tertio quartove die dedi ter talem pilulam.

Post octiduum ter de die cœpi duas dare, & hac ratione sensim (si necessitas id postulavit) augendo ascendi, usque dum ad drachmam unam, vel drachmam unam cum semisse spatio unius diei deveni.

Nil unquam mali observavi, licet has pilulas per unum alterumve annum & ultra, continuato usu, etiam sanis exhibuerim.

Sabinde curam statim majori pilularum dosi inchoavi, & viso bono temperamento, & bonis viribus in initio ilico bis terve per diem dedi pilulas duas, tres aut quatuor.

Nihilominus præstat semper parva dosi incipere, sunt enim idiosyncrasiae, quibus medicamenta maxime innocua nocent;

nocent; hinc ne his damnum inferamus,
& ut sensim in naturæ similium ægrotum cognitionem pertingamus, tuta via incedendum est.

Qualibet vice dum assumuntur pilulæ, datur unum alterumve vasculum infusi theæ, vel jusculti vitulini.

Si pulvis radicis *Cicutæ* sufficienti quantitate mucilaginis Gummi troganthi in pilulas redigitur, exfurgit medicamentum valde efficax; verum majori tunc in utendo circumspetione opus est.

C A P U T II.

C A S U S I.

ADmodum formosa puella a tribus annis gessit parotidem sinistram penitus scirrhosam, colore purpuream, quandoque acute dolentem, quandoque ab

ab omni dolore immunem; magnitudine autem pugnum virilem hic tumor superavit.

A diversis medicis & chirurgis diversa interna externaque remedia sunt exhibita; verum omnia effectu caruerunt.

Tandem ægra accessit Dominum *Leber*, chirurgum nosocomii civici; hic me in consilium vocavit.

Casu & formulis, præscriptis, rite examinatis vidimus, remedia maxime solventia, discutientia &c. interne æque ac externe fuisse adplicata.

Hoc igitur in genere nil amplius superesse conclusimus, quam spiritum frumenti cum mercurio sublimento.

Unde, adposito externe emplastro de ladano, dedimus spiritum frumenti &c. atque præterea ægra copiose haurire debuit decoctum radicis gram. cich. tarax. &c.

Per tres septimanas his diligentissime assumtis nullum omnino levamen, nullam prorsus mutationem deprehendimus.

Hinc statuimus tentare pilulas e circuta paratas.

Ab uno solummodo grano, mane & vesperi sumendo, inchoavi, & singula vice unum alterumve vasculum infusi flor. famb. superbibendum dedi.

Post octiduum rediit ægra plena solatio, & nobis læta narravit, ostenditque, quod tumoris moles esset minor, mollior, mobilior.

Effectum mirati facile concessimus, ut ægra, suæ pulchritudinis recuperandæ avidissima, hoc remedium continuaret.

Elapso altero octiduo nos denuo accessit, malum autem fere in eodem statu fuit.

Qua-

Quapropter dosin auxi, & mane ac vesperi dedi binas pilulas.

Quo facto, intra triduum plus quam dimidia duritiei pars abiit.

Dein continuatio, in eadem dosi, hoc remedio intra sex septimanas omnis durities evanuit.

Verum remansit saccus flacidus, pastaceus.

Dedi igitur purgans, & saccum flacidum linterminibus fumo aromatico ex mastiche, olibano, myrrha &c. imprægnatis saepius perficari jussi; quod tantam habuit efficaciam, ut intra sex circiter dies saccus totus abierit; unde puella suam priorem formositatem integre recuperavit.

Hac ratione curatam ad *Illustriſſimum Præſidem* adduxi, & ipsa *Ei* historiam totam enerravit.

CASUS SECUNDUS.

FOemina (30 aliquot ann.) jam a pluribus annis id incommodi habuit, quod mox sub axillis, mox in inguinibus, mox in collo glandulæ intumuerint.

Applicato emplastro, sumtoque medicamento purgante hi tumores sub initium semper disparuerunt; successu autem temporis pertinaciores facti sunt, & quandoque ex usu emplastri in ulcera abierunt, quæ, effuso copioso ichore, post aliquot septimanas sponte iterum consolidata sunt.

Vires ægræ sensim diminuebantur, intumuerunt pedes, & glandulæ subaxillares; tandem mamma dextra quoque increvit, & tota scirrhosa facta est.

Apposito tunc emplastro mox dolor acutus mammam invasit, durities abiit

abiit in tubera, accessit color purpureus, dein lividus; demum cutis, duabus in locis summo cum dolore rupta, efformavit bina ulcera cancrosa, fætidissimo & acri ichore manantia.

Dolor quotidie circa vesperas multum est adauctus.

Varios medicos & chirurgos hæc ægra adiit, plurima assumfit remedia, nullum tamen unquam levamen percepit.

Demum die 14. Septembr. 1757. ad me venit, re bene examinata, hanc optimam pilulas experiundi occasionem putavi, præbuique mane & vesperi pilulas binas, quarum quælibet granum unicum pondere habuit, atque his superbibendum dedi infusum foliorum veronicæ.

Vigesimo secundo Septembr. vidi colorem lividum fere ubique in læte rubrum, hinc inde in naturalem esse

mutatum; dolores fuere multo mitiores, & fœtidi ichoris loco materies tenuis puriformis comparuit.

Secundo Octobr. color totius fere mammæ naturalis fuit, moles & durities erant minores, dolores exigui, pus bonum.

Decimo quarto Octobr. mamma iterum cœpit tumere, rubere, tendi, & magnis doloribus torqueri, puris loco ichor effluxit.

Dolui sinistrum experimenti succefsum; non tamen spem abjeci: etenim accurate inquirendo deprehendi, tempus menstrui fluxus instare, mali igitur causam ex eo posse repeti, judicavi; hinc suasi ægræ, ut pilulas sine interruptione continuaret.

Altero die proruperunt menses, mamma detumuit, rediit color naturalis, imminuti sunt dolores; unde ægra in assumendo alacriter perexit

Vige-

Vigesimo quarto Octobr. inveni mammam multo minorem, molliorem, pus bonum; jussi, ut jam mane & vesperi pilulas tres assumeret.

Tertio Novembr. magna puris boni copia ex ulceribus prodiit, mamma fuit minor, ægra frequentes in mamma sensit formicationes, tumores sub axilla dextra quoque fundi cœperunt.

Decimo nono Novembr. narravit ægra: quod menses debito tempore fluxerint, & quod tunc mamma iterum intumuerit, & dolores majores essent orti; his tamen non territa pilulas semper continuavit.

Dum mammam conspexi, deprehendi partem supra papillam mollitie & magnitudine fere naturalem, pars autem infra papillam lapidis instar dura adhuc fuit; dedi mane et vesperi pilulas quatuor.

Secundo Decembr. rediit ægra tristis,
& conquerens, quod ob acutissimos
nocturnos in mamma dolores non pos-
set dormire, quod appetitus esset pe-
nitus deletus, os amarum, glutinosum,
ructus fœtidi, frequentes.

Verum ægra horum symptomatum
causam simul fassa est; etenim dixit:
se aliquot abhinc diebus carnem suil-
lam fumo induratam, & brassicam
minus accurate coctam comedisse, &
illico inde pondus in ventriculo, &
nauseam ortam esse, doloresque incre-
visse.

Quapropter præscripsi purgans ex
rhei eleæti Scrup. ij. & crem. tart.
Scrup. j. quod alvum quinques movit,
appetitum mox restituit, & reliqua
symptomata mitigavit.

His factis, mane & vesperi quinque
pilulas exhibui, quarum quælibet pon-
dere duo grana habuit; hinc jam
longe

longe majorem copiam assūmsit, quam antehac.

Decimo octavo Decembr. enarravit ægra, quod tempore fluxus menstrui vix perceperit dolores, quodque color mammæ naturalis permanserit.

Inquirendo tunc in tumorem infra axillam, tetigi, eum esse longe minorem, & valde mobilem; ulcera erant pura, & jam in sanationem vergere videbantur, pus, quod fundebant, paucum erat, & optimæ consistentiæ & coloris. Mammæ medietas supra papillam colore, magnitudine, & mollitie omnino naturalis fuit; verum medietas infra papillam, ad omnia rebellis, lapidea mansit; hinc de hujus resolutione jam merito erat dubitandum; nihilominus ægra, viso jam tanto progressu, sc̄ sine interruptione diligentissime his pilulis usuram promisit, & rogavit, ut eas ipsi non denegarem.

Mane & vesperi sex pilulas nunc exhibui.

Vigesimo quarto Decembr. ægra ingentes dolores in mamma habuit, & mamma iterum tendi, & valde rubere cœpit.

Mala autem hæc symptomata tunc accessisse, affirmavit ægra, dum triduo abhinc mammæ ulcera, crustis crassis obducta, coaluerunt, dumque liber materiei exitus fuit interclusus.

Igitur ad crustas has emolliendas mammæ imposui emplastrum de spermate cete.

Altero die crustæ deciderunt, & ex ulceribus effluxit serum acre, dein pus prodiit, & mox tumor mammæ immunitus est, rubedo disparuit, abiitque omnis dolor.

Decimo quinto Jan. durities infra papillam, quæ huc usque immutata perstigit, nunc cœpit fundi, ægra nullos dolores

dolores habuit, & menstruus fluxus debito tempore rediit, nec ullum malum symptoma produxit.

Tertio Februar. ægra continuos ructus, nauseam, præcordiorum anxieties, & in mamma majores dolores conquesta est, dixitque, quod id experiatur semper, dum ex leguminibus quidquam assumit; mammam tamen quoad magnitudinem, colorem, mollietatem in eodem statu deprehendi, quo fuit die 15. Jan.

Quoniam ventriculum ab assumtis oneratum adverti, purgans exhibui, quod magna cum euphoria operatum est; dein in usu pilularum pergendum erat.

Vigesimo quarto Febr. ægra admodum bene se habuit, scirrhus sub axilla fuit multo minor, & ea durities, quæ infra mammæ papillam hæsit, inveniebatur mollior, & in sex moleculas

culas divisa, gaudebam tunc multum,
quod & hic scirrus, alias pertina-
cissimus, tandem mutaretur.

Decimo tertio Mart. omnia in eo-
dem statu sine ulla mutatione inveni.
Suasi ideo, ut ter de die sex pilulas fu-
meret.

Decimo April. scirrus infra papil-
lam mollis fuit, neque moleculæ am-
plius distingui potuerunt, ulcera fuere
multo minora, nitida, pus bonum.

Vigesimo nono April. fere omnia in
eodem statu fuerunt; ægra rogavit, ut
purgans præscriberem, quoniam levem
nauseam & pondus sentiret.

Dedi igitur Drachmam unicam rhei,
quæ magnam copiam materiæ biliosæ
eduxit, & ægra dein belle habuit.

Vigesimo quarto Maii mamma tota
ad naturalem fere mollitiem, & magni-
tudinem rediit, ulcera cœperunt coire,
& paucum solummodo, optimi coloris

&

& consistentiæ, pus exstillauit, tumor sub axilla fuit exiguus.

Tertio Jul. mamma tota naturalis fuit, ulcera concreverunt, tumor sub axilla vix amplius pifum adæquavit.

Jussi, ut nunc a pilulis abstineret, & rediret post aliquot septimanas, ut hac ratione viderem, an mamma maneret bona? an iterum abiret in pejus?

Vigesimo sexto Auguft. inveni omnia bona, & fœminam integre sanam.

Statim sub initium curæ, dein quinto mense, tandem finita integra cura hanc fœminam ad *Illustriſſimum Baronem van SWIETEN* adduxi, ut experimenti progressum videret; lætabatur Is semper, & pro innata sua benevolentia hanc ægram qualibet vice pecuniis remuneratus est.

CASUS TERTIUS.

Foemina, viginti quatuor annorum,
semper alias sana, ab anni spatio
advertit in mamma dextra tuberculum
durum, mobile, quod sensim adeo in-
crevit, ut 12. Octobr. 1758. dum me
accessit, ovum anserinum magnitudine
adæquaverit.

Examinando vidi perfectum scir-
fhum esse.

Præbui ideo mane & vesperi tres pi-
lulas, quarum quælibet grana duo pon-
dere habuit, jussique, ut infusum, qua-
leculque placeret, superbiberet.

Vigesimo quinto Octobr. ad me re-
diit, & inveni tumorem molliorem, pau-
lo minorem; rogavit ægra an non lice-
ret emplastrum adplicare, verum recu-
favi, ut experirer quid pilulæ solæ effi-
cerent,

cerent, & suasi propterea, ut jam mane
& vesperi quatuor pilulas assumeret.

Decimo sexto Novembr. vidi scir-
rum in plurimas moleculas molles divi-
sum, gaudebat fœmina de bono successu.
Menstruum fluxum rite habuit, neque
tempore menstruo a pilulis abstinuit,
quoniam nullam inde turbam advertit.

Præscripsi purgans, quod bene ope-
ratum est, & mamma notabiliter detu-
muit.

Dein jussi eam pilulas continuare.

Decimo quinto Decembr. rediit, &
mamma fere naturalis fuit, exigua mo-
do pastacea moles supererat.

Tertio Jan. mamma erat penitus na-
turalis.

Tunc denuo præscripsi purgans, &
ab eo tempore hanc fœminam non
amplius vidi.

CASUS QUARTUS.

Mense August. 1758. virgo, 18. ann., ex morbo acuto in nosocomio convaluit, & postquam vires cœpit recuperare, sensit in mamma dextra ingentes dolores; hæc autem mamma jam a sesqui anni spatio lapidis instar dura fuit.

Dedi tunc pilulas ex Gum. ammon. sapon. venet. sal. polychr. rheo &c. externe chirurgus HAFFNER cataplasma ex sapone veneto, lacte soluto, applicuit.

Ab initio res in melius mutabatur, & mamma mollescere cœpit, & dolores remiserunt.

Posthac vero iterum increverunt dolores, mamma denuo durior & purpurea facta est; tandem livuit, & post aliquot dies cutis rupta ulcus, sordidum & multo fœtidissimo ichore manans, efformavit.

Hinc

Hinc externe fomentum ex foliis cicutæ adplicui, & interne dedi mane & vesperi tres pilulas, quarum quælibet grana duo pondere habuit.

Eodem adhuc die his remediis dolores multum imminuebantur.

Tertio die color lividus cœpit evanescere, & fœtidi ichoris loco tenuë pus comparuit.

Septimo die toto mamma læte rubuit, ulcus fuit nitidum ; dolores, qui per diem exigui erant, versus vespertas paulisper exacerbati sunt ; pus in ulcere jam nunc bonum deprehendebatur, & mamma mollior.

Decimo quinto die ulcus videbatur in sanationem tendere, mamma multo mollior fuit, & color fere naturalis, dolores aut pauci, aut nulli.

Vigesimo die mamma mole minor & mollior erat, & ulcus coaluit.

Vigesimo

Vigesimo quarto die aderant enormes dolores, qui ab eo tempore inceperunt, quo ulcus clausum est.

Ad dolores mitigandos opio opus fuit.

Vigesimo quinto die mamma circa papillam valde mollis erat, & quædam obscura fluctuatio percepta est; noctu ob ingentes dolores opium denuo dari debuit.

Præterea tamen ab hoc die cepi mane & vesperi quatuor pilulas exhibere; & fomentum ex cicuta sedulo adplicatum est.

Vigesimo octavo die manifesta erat fluctuatio, & dolores tunc acutissimi; rogavit ipsa ægra, ut mamma pertunderetur, quod &, me suadente, diligenter tissimus mei nosocomii chirurgus HAFFNER perfecit.

Puris boni ingens copia effluxit, dolores illico remiserunt, & mamma tota collapsa est, in ambitu solummodo

quæ-

quædam scirrhosæ portiones tangebantur; color mammæ naturalis fuit.

His factis, præter pilulas & fomentum ex cicuta nil adplicuimus, ut experiremur, quid his solis fieret.

Quotidie sat magna puris boni copia prodiit, & scirrhosæ portiones adeo citato dissipatæ sunt, ut quadragesimo die ex iis nil fere superfuerit, & ulcus mundum jam cepit sanari.

Quinquagesimo die mamma sana erat, & ulcus cicatrice obductum est.

Solis igitur his pilulis, & fomento ex cicuta hæc ægra integre curata fuit; neque unquam quid mali ex fomento aut pilulis percepit; alvus quotidie bene cocta prodiit, exceptis iis diebus, quibus opio utendum erat.

Sub finem purgans huic ægræ exhibui, quod magna cum euphoria alvum quater eduxit.

Post tres dein dies prima vice menses citra vel minimum incommodum proruperunt, unde hæc, jam integre sana, nosocomio valedixit.

CASUS QUINTUS.

FOemina, 28 ann., sex septimanis ab ultimo partu in mamma dextra duritiem & dolorem advertit, & infans ubera fugens hanc manimam respuit.

Sub initium nil applicuit praeter linteamina, fumo aromatico imprægnata.

Quum autem duritiem increscere, & dolores augeri percepit, emplastrum, mammæ adposuit, verum mamma inde rubuit, & dolores adeo acuti facti sunt, ut misera, noctu diuque, dormire non potuerit.

Tandem (8vo mense) accessit febris, sitis magna, & anxia respiratio; unde mater

mater cum infante ad meum nosocomium translata est.

Infantem ilico a matre separare statueram ; verum is nil cibi potusve assumpsit, & continuo vagitu vires amisit ; quam primum autem mammis iterum admotus est, quievit, & postea placide dormivit.

Hinc ægræ matris lac infanti erat concedendum.

Matri, quoniam febris magna fuit, & pulsus elevatus, durus, venam jussi secari ; mammæ dolenti cataplasma emolliens applicui, & pro medicamento atque potu ordinario dedi decoctum resolvens, nitrosum.

Intra binos dies dolor in mamma valde mitis factus est, & febris penitus desit.

Iisdem remediis per tres adhuc dies continuavi, & tunc fere omnes dolores abfuerunt, durities vero mansit eadem,

febris non amplius rediit; unde medicamenta mutavi.

Externe jam adponebatur cataplasma ex sapone veneto, lacte soluto; pro medicamento interno data est mistura sequens:

R. Sapon. venet. unc. β.
solv. in aq. flor. samb.
lib. j.

dein adde:
fal. polychr. dr. β.
syrup. de cich. c. rheo
unc. ij. β.

m.

S. sumat ægra omni bihorio
unciam unam.

Postquam per decem dies sine interruptione hanc misturam exhibui, nil mutatum in mamma inveni, & ægra sensim a medicamento abhorruit; infanti cæteroquin fano glandulæ collitumere, & indurescere ceperunt.

Qua-

Quapropter matri ter de die tres pilulas sumendas dedi, & jussi copiosum infusum flor. famb. defuper hauriret.

Intra triduum jam adverti mammam in superficie molliorem, & ægra dixit, quod liberius respiret, quod urina copiosius fluat.

Infans ubera matris fugens nequam inde quid mali sensit.

Post octo dies inveni scirrum mammæ in plures moleculas divisum ; infans incidit in levem diarrhœam ; & mater jam non amplius tantam urinæ copiam reddidit.

Decimo quarto die mamma tota pastacea fuit, ægra bene appetiit, alvum quotidie solito naturæ cursu, ut antehac, depositum ; infans leni diarrhœa adhucdum laboravit, inde autem debilitatus non est, & colli glandulæ sensim ad naturalem statum redierunt.

Vigesimo quarto die mamma fere naturalis fuit, neque infans diarrhœa amplius vexabatur.

Trigesimo die matri dedi drachmam unam rhei electi, unde probe purgata est; & post aliquot dies integre sana cum fano infante ex nosocomio discessit.

Dosis pilularum non auxi, novem quotidie suffecerunt.

C A S U S S E X T U S.

VIro, sexaginta quatuor annorum, fœdissimus cancer ab angulo oris sinistro ad aurem usque omnia depascens, remedia quæcunque tentata malum nequaquam inhibuerunt; ipse cortex peruvianus effecit nihil.

Dedi igitur mane & vesperi pilulas sex cum infuso flor. samb. & externe apposui emplastrum diapomphol.

Primo

Primo die æger nullum levamen habuit.

Secundo die dolores remiserunt, æger noctu dormivit, neque ulcus tantopere fœtuit.

Tertio die copiosissimum serum acre ex ulcere effluxit, & labia prius valde tumida, detumuerunt.

Quarto die minor ichoris copia promanavit, & fœtor fuit exiguuus.

Quinto die ichoris loco tenue pus comparuit, & ulcus satis purum videbatur.

Sexto, septimo, octavo, nono die eadem observata sunt, dolores erant pauci, appetitus bonus.

Decimo die dolores iterum majores fuerunt, ulceris labia erant tensa, tumida, & valde rubra.

Duodecimo die denuo copiosum serum ex ulcere destillavit, unde dolores mitigati sunt, & tumor labiorum immunitus.

Decimo tertio die ulcus iterum fordidum fuit, teturum odorem sparsit, & magnum dolorem excitavit.

Decimo quarto die auxi pilularum dosin, atque mane & vesperi octo exhibui.

Decimo quinto die ulcus copiosissimo fero manavit, & dolores multum decreverunt.

Decimo sexto die aderat bonum pus neque ullum dolorem conquestus est æger.

Decimo septimo die ulcus mundum videbatur, pus omnino bonum, dolor nullus.

Decimo octavo die idem observatum est.

Decimo nono die redierunt denuo magni dolores, intumuerunt ulceris labia; unde æger pertæsus rus abivit, & balneatori sese confidit; hic autem emplastris & decoctis tantum effecit, ut cancer mox integrum fere faciem occuparit,

parit, & miserrimo ægro intra tres septimanas adtulerit necem.

Sub usu pilularum cancro limites ponebantur, etenim is neque in amplitudinem, neque profunditatem prorepfit; ilico autem in pejus ruit, dum æger a pilulis abstinuit.

CASUS SEPTIMUS.

NObilis matrona venando Sclope-tum paulo fortius ad mammam dextram adtrusit.

Dolorem inde magnum non habuit; sed post unam alteramve septimanam advertit in eadem mamma tuberculum, pisum magnitudine adæquans.

Hoc tuberculum citra dolorem sensim increvit ita, ut nucem juglandem multum superaverit.

Hoc in statu hæc matrona ad me mittebatur, & ilico, casu examinato, mane & vesperi tres pilulas exhibui.

Octavo

Octavo die ad me rediit; inspiciendo mammam, nil mutatum inveni.

Decimo sexto die tuberculum in superficie mollius apparuit; nullum unquam dolorem hæc matrona in mamma percepit; dum autem his pilulis ufa est, alvum quotidie præter consuetudinem bis aut ter liquidam deposuit, vires tamen inde diminutæ non sunt, neque appetitus turbatus.

Post mensis spatiū tuberculum mole minus, mollius, & longe mobilius videbatur.

Elapso secundo mense tuberculum fere $\frac{1}{2}$ minus erat, & molle, hinc pilulas sedulo continuandas suasi; verum ab hoc tempore hanc matronam non amplius vidi.

Sub usu pilularum semper sana fuit, menses ipsi rite prodierunt, neque iis fluentibus pilulas neglexit, quoniam nullam inde noxam observavit.

CASUS

CASUS OCTAVUS.

Fœmina, 43. ann., 22. Mart. 1759.
me accessit, gerens mammam si-
nistram admodum magnam, lapidis in-
star duram, immobilem, purpuream,
hinc inde lividam, & acutissime dolen-
tem ; præterea brachium ejusdem la-
teris præ dolore mammae & tumore
glandularum subaxillarium movere non
potuit, respiratio inter ambulandum
fuit brevis, difficilis, tussiculosa.

Omnia signa cancrum occultum ad-
esse testabantur.

Causam & originem hujus mali in
maritum rejecit, qui, sesqui anno ab-
hinc, cubitu in hanc mammam fortiter
impegit ; unde mox tuberculum natum
est, quod in tantam molem accrevit,
& abiit in cancrum.

Antequam huic fœminæ quid medi-
camenti exhibui, eam ad *Illust. Baronem*

VAN SWIETEN adduxi, qui rebus rite consideratis casum difficilem & experimendo dignum agnovit, suafitque, ut mane & vesperi tres pilulas darem, atque hanc fœminam omni decimo quarto die ad *Eum* mitterem, ut hac ratione de effectu esset certus.

Trigesimo Mart. fœmina ad me rediit, dicens: dolores esse minores, cæteroquin vero mamma in priori statu permansisse.

Jussi tunc ut mammam denudaret, & vidi statim, colorem totius mammæ mutatum esse, ita quidem, ut ea ex parte, qua mamma purpurea fuit, nunc latus rutilus color adesset, qua parte vero livida & subnigra fuit, nunc purpurascet; imo versus axillam comprehendendi mammam molliorem; hinc suasi, ut pilulas sedulo continuaret.

Sexto April. eam adduxi ad *Illustriſſ. Baronem* VAN SWIETEN; gaudebat *Is-*
ſum-

summopere de bono remedii effectu, etenim vidit manifeste colorem, qui antehac cancrofus erat, jam hinc inde in naturalem mutari, aliis in locis læte rubere, & nullibi amplius livere. Dolores quoque minores esse fœmina affirmabat ; verum respiratio mansit æque difficilis, tussiculosa. *Illust. Baro* tangendo mammam ubique in margine molliorem, & minorem invenit ; quapropter fœminam pecuniis donavit, ut in utendo alacriter pergeret.

Decimo tertio April. mamma iterum mollior, & paulo minor fuit ; verum supra papillam erat quoddam spatium, tres pollices longum, duos latum, quod nullo modo mutabatur, & valde rubuit, & fuit immobile.

Jussi tunc, ut ægra mane & vesperi quinque pilulas assumeret.

Vigesimo April. cum ægra adivi *Illust. VAN SWIETEN* ; conquerebatur
tunc

tunc dolores per vices redeuntes, acute pungentes, rodentes, urentes ; tussis fuit paulo frequentior, dixitque ægra quod tussiendo majorem in mamma dolorem sentiret, quod pulmo cum mamma quasi cohæreret, eamque tussiendo introrsum traheret.

Cæteroquin portio mammæ versus axillam, sesqui pollicem lata, mollitie, colore, & magnitudine penitus naturalis erat; hinc *Illust. VAN SWIETEN*, mammæ duritiem glaciei instar fundi ajebat.

Nihilominus tamen tumor supra papillam immutatus persistit.

Tussi siccæ, ut paulisper iretur obviam, tunc præter pilulas præscripsi decoctum ex rad. alth. fol. alth. & syrupo alth.

Vigesimo septimo April. ægra eandem tussim, & eosdem dolores conquesita est; verum advertit ipsa, quod thoraculam longe arctius possit constringere,

stringere, quam ante quatuordecim dies, & hinc conclusit, mammam esse minorem.

In dosi pilularum, & in usu decocti perreximus.

Quarto Maii denuo accessimus *Illustriſſimum Baronem*, mamma tota minor & mollior fuit, excepta ea duricie, quæ supra papillam costis firmissime adhæſit.

Decimo octavo Maii ægra melius se habuit, tussis fuit minus molesta, dolores mediocres, mamma mollior. Duries supra papillam in eodem statu permanſit; tuffi autem sputum glutinosum prodire cepit.

Primo Junii *Illustriſſimus van Swieten* lætabatur, dum vidiſt mammam ad minimum $\frac{2}{3}$ esse minorem. Ægra autem conquerebatur dolores nocturnos, tuffim noctu moleſtam; unde suafit *Illustriſſimus*, ut vespri ægræ maſſa pilularum de cynoglossa exhiberetur.

De-

Decimo quinto Junii ægra rediit læta, dicens: quam jam bene dormiret, rarius tussiret, quod fere omnium dolorum esset expers; respiratio erat paulo liberior, sputa purulenta prodierunt.

Durities supra papillam quoque cœpit mollescere.

Vigesimo nono Junii ægra denuo liberius respiravit, sputa purulenta facile rejicit, durities autem supra papillam fuit in eodem fere statu. Hinc externe fomentum ex foliis cicutæ adpli-
cui.

Decimo tertio Julii rediit conque-
rens, quod ex fomento applicato duri-
ties supra papillam incipiat exulcerari.

Dum mammam consideravi, vidi,
parvo in spatio epidermidem secessisse,
cutim esse ruptam, & ichorem acrem
exstillance.

Dum autem in causam accuratius in-
quisivi, fassa est ægra, quod ingratum
pruritum

pruritum & formicationem in mamma
perceperit, quodque tunc partim un-
guibus, partim indusio duriorem mam-
mæ partem fortiter fricuerit, & quod
ab eo tempore ardorem ingentem sen-
serit, & ichoris stillicidium.

Fomentum jussi continuare, & pilu-
las mane & vesperi octo dedi.

Vigesimo Julii jam aderat ulcus sat
profundum, labia ulceris erant livida,
ichor valde fœtuit, ægra habuit majo-
res dolores, sputis pus prodiit.

Vigesimo septimo Julii ulcus iterum
profundius fuit, verum dolores remi-
serunt, ichor effluens fœtuit, pus nul-
lum aderat ; frusta autem lata, coria-
cea, dura, fœtida ex ulcere prodibant,
hinc durities supra papillam, huc us-
que ad omnia rebellis, exfoliatione
minui videbatur.

E

Sputa

Sputa purulenta copiose proceſſerunt; tuffis autem in ulcere tensionem, & magnum dolorem excitavit.

Labia ulceris naturalem colorem ſenſim iterum recuperarunt.

Hoc in ſtatu hanc ægram ad meum nosocomium fuſcepit.

Dominus *Haffner* chirurgus eam bis quotidie deligavit, & ulcus linteis carpatis, infuso cicutæ madidis, implevit; plurima quotidie frusta coriacea exciderunt, & tumor multum imminutus est, ægra nullum dolorem habuit, ſine opio dormivit, de die autem frequenter tuffavit, & ſputa purulenta egeſſit.

Quinto Auguſti in ulcere pus cepit comparere, fœtor fere omnis evanuit, & durities ſuppuratione minuebatur, labia ulceris erant pura, & optimum habebant colorem; vires ægræ erant ſatis bonæ, ſputa libere prodierunt, & respiratio fuit multo facilior.

Decimo

Decimo sexto Augusti ægram denuo ad *Illustriſſ. Baronem van Swieten* adduxi; mirabatur, quod scirrhus, antehac adeo pertinax, nunc benigna suppuratione minueretur, fecitque spem maximam, fore: ut consumta hac pauca superstite duricie, ulcus sponte consolidaretur.

Et sane, omnia successerunt optime, & jam plurima sanationis signa aderant.

Vigesimo quarto Augusti ægra denuo frequentiorem tussim, & inde in mamma magnos dolores conquerebatur; etenim dixit, quod mamma, quasi chorda ligata, tussiendo versus cavum pectoris acutissimo cum dolore trahetur; hinc noctes fuerunt iterum inquietæ, quare denuo ad opium confugiendum erat.

Dato opio ægra belle se habuit, appetiit, vires erant majores, tussis minus molesta, sputa facilia, purulenta.

Secundo Septembr. circa octavam matutinam vidi hanc ægram bono in statu, extra lectum deambulantem, nec de dolore, nec de tussi conquerentem.

Eodem adhuc mane clanculum ab amicis vinum adferebatur, quod ægra abeuntibus amicis jejuno adhuc ventriculo avidissime haufit; unde mox vertiginosa vomuit, cecidit, & intra pauca minuta obiit apoplectica.

In dura & pia matre plurimas venas varicosas invenimus, cerebellum copioso, grumoso sanguine comprimebatur.

Pulmonis sinistri lobus medius, totus scirrhosus & gravis, repertus est, lobus autem superior partim scirrhosus, partim suppuratus.

Bini hi lobi cum pleura ex anteriori parte erant firmissime connati, nec sine læsione inde potuerunt separari.

Ulcus fuit purum, musculi pectorales sanissimi; labia ulceris optimum colore

lorem habuerunt, & cum partibus vi-
cinis denuo concrescere, propriusque ad
se invicem accedere ceperunt ; hinc
nemo de integra hujus ulceris cura-
tione dubitare potuisset.

C A S U S N O N U S.

FOemina (23. ann.) a binis annis in
toto colli circuitu glandulas tumi-
das, & scirrhosas habuit, & hac ratione
collum crassitie fere caput adæquavit.

Plurimæ ex his glandulis cancroso
ulcere corrodebantur.

Hæc ægra tentatis jam innumeris re-
mediis, a diversis medicis & chirurgis
exhibitis, nullum levamen percepit, &
tandem ad nostrum nosocomium de-
venit.

Egregius chirurgus *Haffner* externe
ea omnia adplicuit, quæ ars chirur-
gica indicavit, subministravitque.

Ego præterea decocta copiosissima & pilulas ex gum. ferulac., resin. lign. sanct., sapon. venet., terr. foliat tart., mass. pil. extr. cath. &c. exhibui.

Per sex septimanas hæc remedia diligentissime continuabantur, nullam tamen mali emendationem adverti.

Ulcera continuo fœtidum & malignum ichorem fuderunt; imo materies ichorosa membranam cellulosam corrosit, & profundos sinus ac fistulas produxit.

Demum his consideratis, dedi spiritum frumenti cum mercurio sublimato.

Ægra autem inde dolorem in pectore sensit, cepit tussitare, & conquesta est in osse sterno ardorem, licet copiosissima decocta simul hauserit.

Nihilominus tamen in quartam septimanam hunc spiritum continuavi, quoniam symptomata ex usu hujus spiritus supervenientia, dein longe mitiora facta

facta sunt; verum tunc levis salivatio
orta est citra levamen.

Hinc & ab hoc remedio abstinui,
atque externe adplicui, fomentum ex
cicuta, & præter infusum heder. terr.,
veron., agrimon. &c. dedi ter de die pi-
lulas quatuor.

Sexto die dolores remiserunt, livor
glandularum exulceratarum in lætam
rubedinem transivit, ichor evanuit, &
pus dilutum ejus loco visum est.

Decimo die tumor colli & glandula-
rum fuit longe minor, ulcera satis pu-
ra, pus bonum, ægra quiete dormivit,
appetiit, nulos sensit dolores.

Vigesimo primo die jam quædam
ulcera cicatrice obducebantur, tumor
colli fuit multo minor, glandulæ mul-
tæ jam naturales, sinus minus pro-
fundi.

Jussi tunc, ut ægra ter de die sex
pilulas assumeret.

Trigesimo secundo die omnia iterum erant meliora, plurimi sinus jam fuerant clausi, binæ solummodo magnæ, callosæ fistulæ in parte sinistra supererant, quæ, arte chirurgica sectæ, eodem fomento, & iisdem pilulis intra quatuordecim dies percuratæ sunt, & tunc fere omnes glandulæ ad naturalem statum redierunt, nulla scirrhosa durities amplius tangi potuit, pauca tantum pastacea tubercula hinc inde reperta sunt.

Dedi tunc ægræ purgans ex rheo dr. β. scammon. gr. viij. sal polychr. gr. xv. quod sexies alvum solvit, nec ægram debilitavit.

Posthac per binas adhuc septimanas ter de die sex pilulas assumfit ægra, externe autem nil amplius adpositum est.

Finitis his binis septimanis integræ aderat sanitas,

Men-

Menstruus fluxus huic ægræ debito tempore semper rediit, neque pilulæ quidquam turbarunt.

Curatam hanc fœminam per tres adhuc septimanas in nosocomio retinui, ut viderem, an glandularum tumores non redirent? vel an sinus fors nimis mature clausi, denuo recrudecerent?

Verum fœmina mansit sanissima; unde eam ex nosocomio dimisi; rogans tamen, ut apparente vel minimo tumore illico ad me reverteretur.

Est autem jam septimus mensis, quod eam non viderim.

CASUS DECIMUS.

Virgini (18. ann.) glandulæ submaxillares scirrhosæ factæ sunt, & quælibet fere ovum galinaceum magnitudine adæquavit.

Huic

Huic illico mane & vesperi sex pilulas dedi, quibus integro mense sine omni omnino effectu usq; est.

Sexta septimana primo tumores ceperunt emolliri, & minui.

Sensim dein in toto ambitu pastacea mollities observata fuit.

Septima septimana quotidie ter sex pilulas exhibere cepi, præterea dedi omni octiduo purgans rheubarbarinum.

Hac ratione spatio trium mensium hæc ægra integre restituebatur.

CASUS UNDECIMUS.

FOemina (67. ann.) a binis annis fœdissimum apertum cancrum in mamma sinistra habuit, qui tantæ erat amplitudinis, ut limbus ejus superior fere maxillam inferiorem adtigerit, inferior autem ad ventrem usque descendenterit.

Illus-

Illusterrimus Baro VAN SWIETEN,
spectabilis Dominus Decanus de *Dietman*, celeberrimus anatomiæ Professor
Gaffer, chirurgiæ Professor *JAUS*, &
alii, qui examini chirurgico in Domo
Universitatis interfuerunt, hanc miser-
rimam fœminam primo viderunt, eam-
que die vigesimo Junii 1759. ad me
miserunt.

Mamma tota fuit ex fusco nigra, tu-
berosa, ichor vel eminus teterime fœ-
tuit, ægra nec appetiit, nec præ do-
lore potuit dormire.

Jussi, ut mane & vesperi pilulas qua-
tuor assumeret, & externe de die appli-
cui fomentum ex foliis cicutæ, noctu
vero emplastrum diapompholygos.

Vigesimo octavo Junii, rediit, &
summo cum gaudio enarravit, quod
non amplius tantopere doloret, noctu
placide dormiret, neque tantum ac an-
tea fœtorem adverteret.

Mam-

Mammam inspiciendo ichoris loco
pus tenue observavi.

Sexto Julii color mammæ fuit ruti-
lus, pus bonum, moles minor, fœtor
exiguus; hinc ægra se strenue conti-
nuaturam promisit, & infinitas egit
gratias.

Decimo quarto Julii cancer fuit
multo minor, pus bonum, fœtor nul-
lus, color bonus, & ægra dixit, quod
interim magna frusta, ex mamma se-
parata, ceciderint, quod omni altero
vel tertio die ingens feri copia ex mam-
ma prodeat, quodque tunc moles mam-
mæ visibiliter concidat.

Vigesimo secundo Julii omnia ite-
rum erant meliora, & ægra de nullo
incommodo conquesta est.

Postea, dum examen medicum fuit,
hanc ægram denuo ad Domum Uni-
versitatis adduxi.

Illusterrimus van Swieten, spectabilis Dominus Decanus, omnesque Medicinæ Professores, qui hanc miseram antea viderunt, egregium effectum, & celerem mutationem mirati sunt.

Etenim color mammæ erat optimus, fœtor fere nullus, pus bonum, cancri moles $\frac{1}{2}$ minor.

Illustriſſ. van Swieten tunc hanc ægram auro donavit, & blandis verbis hortatus est, ut in usu sedulo pergeret.

Tertio Augusti mamma iterum minor videbatur, verum noctes erant inquietæ ob dolores, circa vesperas revertentes, hinc dandum fuit paregoricum, quod omnes turbas mox sedavit.

Fomento ex cicuta, & pilulis in eadem semper dosi continuatum est.

Decimo quinto Augusti mamma cancroſa pugnum virilem magnitudine adhuc paulisper superavit; puis aderat bonum, fœtor nullus, vires (ratione habitæ ætatis) bonæ.

Vi-

Vigesimo sexto Augusti denuo *Illust.
VAN SWIETEN* adivimus, vidi is omnia esse valde bona, unde lætabatur, & spem dedit maximam, fore: ut intra paucas septimanas (si res semper ita pergeret) cancer penitus funderetur.

Secundo Septembris ægra omni ex parte bene se habuit, cancer pugnum non amplius adæquavit.

Sexto Septembris misit ad me, nunciatura, quod tempore matutino sedens in platea & fructus horæos vendens a subito violento vento ingens frigus per omnes corporis partes senserit, quod mox orti sint enormes ventris dolores, quos sequebatur alvi fluxus admodum copiosus & dolens, atque vires conciderunt ilico.

Jussi, ut statim a pilulis abstineret, & medicamenta simili in morbo convenientia præscripsi.

Altero mane mihi significari curavit, quod alvi fluxus, & dolores essent æque violenti, quod cum alvo prodeat sanguis, quod sitis sit magna, & accedat frequens animi deliquium.

Unde ego & Dominus *Leber* chirurgus eam eodem adhuc mane accessimus, & quæcunque ego interne aut externe utilia credidi, summa cum attentione adhibui, verum in omnibus sui frustra.

Tertio die facies facta est cadaverosa, & quarto die misera obiit.

Mammam post mortem abscidit Dominus *Leber*, eamque ad domum *Universitatis* adtulit, dum denuo examen medicum fuit.

Tunc vidit *Illustriſſ. VAN SWIETEN*, & omnes Medicinæ Professores celerem & optimum in hoc desperato casu effectum; unde doluerunt, felicem experimenti progressum fortuita morte turbatum esse.

CASUS

CASUS DUO DECIMUS.

DIE quarto April. 1759. celeb. Professor de HAEN fœminam ad me misit, cuius collum innumeri scirrhi occuparunt, quorum plurimi erant maligne exulcerati.

Mamma sinistra quoque tota scirrhosa fuit, & ea ex parte, qua axillam spectabat, livido ac purpureo colore tincta; ibidemque ex angusto foramine copiosus, ardens & erodens ichor effluxit.

Præterea & sub axillis, & in inguinibus multi, diversæ magnitudinis, scirrhi latuerunt.

Sub initium statim ter de die quatuor pilulas huic fœminæ dedi, & infusum herbæ veronicæ superbibendum.

Decimo quarto die ægra rediit, & dixit, quod ex usu harum pilularum scirrhi exulcerati longe majorem ichoris

ris copiam fuderint; verum quod ichor effluendo ne minimum ardorem in cute excitaverit.

Scirrhorum color, antea lividus, nunc naturalis aut rutilus fuit, moles quoque multo minor, major autem colli & glandularum mobilitas.

Ægra quoque sub axillis levamen habuit, etenim brachia facilius movere, & sine dolore (quod antea erat impossibile) arctius corporis truncо applicare potuit.

In mamma color lividus fere totus disparuit, & mamma fuit mollior, mole minor, & ex angusta illius apertura bonum pus prodiit.

In eadem pilularum dosi continuandum tunc putavi, & dedi tantam quantitatem, ut per tres septimanas sufficerent, ne ægra, e longinquo habitans, toties deberet redire.

Absumtis his pilulis rediit, & multi
scirrhi jam penitus evanuerunt, ulcera
plurima bona cicatrice erant obducta;
sub axillis, & in inguinibus tubercula
fuerunt valde parva, omnia mobilia,
nullo modo dolentia.

Mamma & mole & duritie fere na-
turalis fuit, & per aperturam paucum
pus exprimi potuit.

Pro integro mense tunc copiam pilu-
larum exhibui, non tamen auxi dosin.

Mense elapso rediit ægra, rogans: an
pilulas adhucdum deberet continuare,
quoniam neque in collo, neque sub
axillis aut inguinibus, neque in mam-
ma quid doloris aut incommodi senti-
ret. Quoniam ulcera essent omnia fa-
nata, & scirrhi adeo parvi, ut jam
hos sine omni molestia ferre posset.

Dum mammam consideravi, inveni
eam penitus naturalem, apertura erat
optime consolidata, versus axillam tu-
berculum,

berculum, ob parvitatem vix sensibile,
tangebatur.

Ulcera colli firmas cicatrices habuerunt,
scirrhi vel abierunt penitus, vel
fuerunt adeo parvi, ut nec septima pars
amplius superfuerit.

Sub axillis unum alterumve tuberculum,
pisi magnitudine, repertum est,
cætera erant omnia mollia, naturalia.

In inguinibus dixit ægra, quod omnis tumor disparuerit, & quod nunc liberrime ambularet.

Dedi denuo pro quatuor septimanis
pilulas, & jussi his absumtis rediret.

Verum eam adhucdum exspecto.

CASUS DECIMUS TERTIUS.

VIrgo, 18. ann., a multis annis parotides, glandulas submaxillares, totiusque colli scirrhosas & adeo tumidas habuit, ut collum crassitie caput multum excefferit.

Remedia, ab expertissimis medicis ac chirurgis præscripta, nihil omnino juverunt.

Imo plurimæ partes cœperunt livere, vehementer dolere, tandem in cancrofa & fœtida ulcera abire ; accessit sudor nocturnus, virium dejectio, tabes.

Licet hæc ægra ab illis, in quorum servitiis fuit, multum fuerit amata, nihilominus ob tam horrendas exultationes, ob ingentem & malignum fœtorem, atque inde timendum contagium, in nostrum nosocomium transferri debuit.

Ego & Dominus *Haffner* chirurgus inter hos scirrhos & ulcera innumeros sinus & fistulas invenimus, piæterea ægra fuit valde debilis, & conquesta est, quod ob dolores nocturnos dormire nunquam posset.

Hinc vesperi opio utendum erat.

De

De die autem bis exhibui tres pilulas cum infuso hederæ terrestris, scabiosæ, veronicæ & multo lacte. Externe adplicuimus fomentum ex cicuta.

Tertio die dolores jam longe erant mitiores, ichor copiosus profluxit, acer quidem, sed minus fœtens, & collum paulisper detumuit.

Octavo die hinc inde bonum pus comparuit, glandulæ plurimæ móbiles factæ sunt, & ægra sine opio cœpit dormire, sudor nocturnus quoque minus copiosus fuit.

Decimo quarto die fere ubique bonum pus fuit, & tumores scirrhosi minores.

Auxi tunc pilularum dosin, & manu ac vesperi quatuor dedi; fomentum ex cicuta sedulo applicatum est.

Trigesimo die sudor nocturnus cessavit penitus, multi sinus jam erant clausi, ulcera optimum habuerunt colorem,

& quædam jam ad sanationem vergebant ; tres autem aderant fistulæ calløfæ, quæ arte chirurgica debuerunt scriari.

Quadragesimo quarto die jam quædam ulcera coaluerunt, reliqua dede-
runt pus bonum, tumor colli fuit mul-
to minor, ægra appetitum & vires re-
cupерavit.

Sexagesimo die ulcera fere omnia
erant clausa, collum detumuit, & cutis
colorem habuit naturalem, omnes glan-
dulæ fuerunt minores, mobiles ; verum
supra claviculam sinistram hæsit scir-
rhus magnitudine ovum anserinum su-
perans, & percussus edens sonitum car-
tilaginis, tumor hicce toto hoc tem-
pore ex usu remediorum nullo modo
mutatus est.

Septuagesimo quarto die multi scir-
rhi in plures moleculas divisi reperi-
bantur ; in sinistra colli parte una glan-
dula

dula denuo abiit in ulcus, & per tres dies materiam suppurulentam fudit; postea totus saccus collabebatur, & intra paucos dies cicatrix formata est.

Nonagesimo die collum jam in pluribus locis naturalem mollitiem & magnitudinem habuit, neque decima tumoris pars amplius superfuit. Scirrus tamen supra claviculam in eodem statu permansit, & quoniam mobilis fuit, atque omni medicamentorum vi restitut, eum scalpello voluimus auferre; ast ægra renuit, & quum jam satis robusta fuit, & collum commode movere potuit, e nosocomio ad suos rediit.

Per binos menses tunc ab omni medicamento abstinuit, & toto hoc tempore scirri nec maiores nec minores facti sunt.

Tandem me iterum accessit, rogatura: an non & in suo servitio pilulis uti liceret?

Suasi ilico & dedi mane ac vesperi tres sumendas.

Post tres septimanas, absumtis pilulis, ad me rediit, & scirrhi erant minores, mobiliores.

Finita quinta septimana ægra denuo ad me accessit, mihi que magno cum gaudio ostendit, quod pertinacissimus scirrus supra claviculam sinistram, quem antea cartilagineum credidimus, nunc esset minor, & divisus in sex tubercula.

Mirabar effectum, quem jam longo tempore exoptavi ; suaque, ut nunc mane & vesperi quatuor pilulas sumeret.

Post quatuor septimanas hanc ægram iterum vidi, & erant omnia meliora.

Jam in quintum mensem his pilulis utitur, & nunc jam ter de die sumit sex, nil mali inde sentit, robusta est, bene dormit, libere respirat, quod antea

tea non potuit, bene appetit, alvus prodit quotidie naturalis & rite cocta, scirri superstites sensim minuuntur, & omnia, lentam quidem, attamen integrum sanationem promittunt.

CASUS DECIMUS QUARTUS.

DIE 12. Septembr. 1759. me adivit fœmina, 40. ann., cuius mamma dextra sex abhinc septimanis intumuit, & abiit in scirrum.

Doctissimus medicus *Collin*, qui me sua præsentia tunc honoravit, hanc fœminam simul vidit.

Statim in principio dedi ter de die pilulas tres, & jussi, post octiduum rediret.

Rediit tunc ægra plena solatio, quoniam scirrus erat mollior, & mobilior.

Suasi, ut diligenter continuaret.

Spatio trium septimanorum feci, ut redeunte ægra adcesset iterum Dominus

Collin,

Collin, qui summopere miratus est celerem in hac fœmina effectum, etenim jam plus quam dimidia scirrhi pars evanuerat.

Pro integro mense tunc sufficientem pilularum copiam dedi, ne ægra, quæ integra fere hora abhinc habitavit, toties me accedere cogeretur.

Absumtis his pilulis scirrus vix amplius ovi magnitudinem habuit.

Præscripsi tunc purgans, & pro altero mense iterum pilulas suppeditavi.

Finito hoc mense, magno cum desiderio hanc fœminam expectavi, verum non amplius rediit.

CASUS DECIMUS QUINTUS.

VIR (53. ann.) ex impuro coitu malum venereum contraxit, idque partim ex pudore, partim ex pecuniarum defectu neglexit.

Tan-

Tandem intumuit testiculus sinister, vehementer doluit, & totus scirrhosus factus est; & membrum virile in tantam molem excrevit, ut penem equinum longe superaverit.

Denique tribus in locis ex membro fungosæ excrescentiæ ortæ sunt, quæ brevi in fœdissimos cancros abierunt.

Scrotum ipsum cancroso ulcere fuit exesum, atque testiculus sinister totus nudus, exulceratus, cancrosus ex scroto pependit.

Hinc miser nec quiete jacere, nec præ dolore dormire, minus autem ambulare potuit.

Unde pessimis his in circumstantiis in nostrum nosocomium ingerebatur.

Dum ego & Dominus *Haffner* chirurgus has partes inspeximus, horruimus præ fætore; testiculus sinister ex scroto propendens totus erat cancrosus, & major, quam duo pugni viriles.

Nec

Nec penis, nec scrotum, nec testiculus rudiorem adtactum tulerunt, etenim prodiit illico copiosissimus sanguis.

Æger præ debilitate sæpius animi deliquium passus est; fœtor autem tantus fuit, ut inter alios ægros hunc relinquere non potuerimus, sed cogebamur eum separatim ponere.

Sub initium quotidie unciam j. β. corticis peruviani exhibui, ut hac ratione acrimonia corrigeretur, corruptumque a fano secederet.

Verum quarto die æger corticem, quacunque forma exhibitum, ulterius sumere renuit, neque inde vidimus levamen aut ullum mutationem; imo vires ægri magis conciderunt, & appetitus deletus est.

Desperato igitur hoc in casu pilulas & fomentum ex cicuta tentare conclusi.

In principio statim ter de die sex pilulas præbui, & partes affectas fomento diligentissime feci foveri.

Eadem vespera remiserunt dolores, & miser sponte cepit dormire.

Altero die jam multa frusta putrida separabantur, penis detumuit, nec tantus fœtor amplius aderat.

Tertio die omnia iterum fuerunt meliora.

Quarto die in omnibus cancrofis ulceribus pus bonum erat, penis plus quam dimidiā partem suæ magnitudinis amisit, testiculus quoque minor & mollior fuit, ulcera habuerunt pulchrum colorem, æger sine paregorico dormivit, & cepit appetere.

Octavo die penis ad naturalem fere magnitudinem rediit, partes cancrofæ erant multum emendatæ, pus ubique bonum esse continuavit, ex scroto magna frusta secesserunt, testiculus fuit mollis,

mollis, & vix amplius ovum magnitudine adæquavit.

Duodecimo die omnia iterum erant meliora.

Decimo octavo die nil cancroſi amplius videri potuit; testiculus naturalem molem & mollitiem recuperavit, & illud, quod cancroſo ulcere depaſtum erat, recrescere viſum eſt.

Scroti labia, optimi coloris, coire ceperunt; in pene, loco cancroſarum excreſcentiarum, jam plana & puriſima ulcera inveniebantur.

Omnes ægri actiones multo erant meliores, vires majores.

His igitur pilulis (eadem ſemper dōfi) & fomento ex cicuta in trigesimum diem continuavi, & tunc ſcrotum erat integre fanatum, & ulcera penis multo minora, nitida.

Æger autem quotidie circa vefperas ingrato pruritu per totum corpus vexabatur;

batur; hinc ne quid venerei, intra sanguinem latitantis, alias tristes tragœdias luderet, remediis antivenereis reliquam curam perfeci.

Hoc in casu pilulæ & fomentum plus præstiterunt, quam sperare unquam licuisset.

Doctissimus castrensis medicus *Kollman*, Dominus *Leber* chirurgus nosocomii civici, *Frater Abdon* chirurgus apud fratres misericordes in Leopoldina, aliquique mei in hac arte amici, quos ad hunc ægrum videndum adduxi, celeres & vix sperandos effectus vehementer sunt mirati.

CASUS DECIMUS SEXTUS.

FOemina (36. ann.) ex causa ignota binas in colli parte sinistra fistulas habuit, quæ tam numerosos & mirabiles sinus produxerunt, ut dexterissimus Dominus *Haffner* stylo suo ad lin-

linguam, sternum, & inter œsophagum & asperam arteriam ad oppositam colli partem potuerit penetrare ; & quod magis erat mirandum, hi sinus per totum thoracem distribuebantur.

Etenim dum in fistulas arte chirurgica injectiones fiebant, sensit ægra, eas ex parte anteriore ad scrobiculum cordis, ex posteriori autem ad lumbos usque penetrare.

Quod optimus chirurgus facile credidit, nam, ut hi sinus replerentur, sex unciis materiæ injiciendæ plerumque opus fuit.

Ad hoc malum percurandum tentavimus omnia, quæ nobis videbantur congrua, & quæ authores optimi simili in casu commendarunt.

Verum omni omnino effectu caruimus, & postquam per integros sex menses variis decoctis, injectionibus, fomentis, aliisque remediis miseram frus-

tra

tra divexavimus, accefferunt ingentes dolores, & corpus cepit contabescere.

Qua de causa ego & Dominus *Haffner* conclusimus herbam cicutæ in hoc subiecto tentare.

Totum igitur collum & dorsum fomento ex cicuta involvimus.

Bis quotidie Dominus *Haffner* in has fistulas & sinus vi lenissima tenue infusum cicutæ injecit.

Ægra vero mane & vesperi sumfit sex pilulas.

Primo statim die dolores mitigabantur, & ægra sine opio dormivit, quod antea nunquam factum erat.

Tertio die advertit chirurgus has fistulas jam minorem injectionis copiam recipere.

Decimo die ægra bene habuit, & omnia videbantur sanari.

Decimo quarto die vix amplius binæ unciae poterant injici.

Ægra in dorso tensiones, ad sternum ardorem & in faucibus siccitatem con- querebatur.

Hinc suasi, ut chirurgus ab injectio- ne infusi cicutæ abstineret, & solum decoctum hordei cum melle rosaceo lenissima manu injiceret.

Hoc facto, intra octiduum omnia fa- nata sunt, & fistulæ firmas egerunt ci- catrices.

Hæc fœmina dein adhuc sex septima- nis in nosocomio morata est, & nequa- quam vidimus malum recrudescere.

*C A S U S D E C I M U S
S E P T I M U S.*

VIR, cui ex quartana, subito sup- pressa, durities, unam spithamam longa, & semi spithamam lata, ex an- teriore abdominis parte nata est, his foliis pilulis, & interpositis quandoque purgan-

purgantibus, spatio quatuor mensium in nosocomio integre curatus est.

Binos adhuc similes casus in meo nosocomio habui, quorum curatio his pilulis optime successit.

Imo eadem pilulæ scirrum hepatis solverunt, & inde natum icterum fugarunt; verum copiosum serum lactis simul potabatur.

Dum autem post febres intermitentes lien inflatur, & substantia ejus spongiosa redditur, tunc similes pilulæ ad curationem parum conferunt; neque alia medicamenta juvant.

*C A S U S D E C I M U S
O C T A V U S.*

IN viro quinquagenario, ex cataracta in ambobus oculis cæco, & in meo nosocomio ex acuta convalescente, pilulæ hæ tantum effecerunt, ut intra

duos menses non modo solus ambulare, sed & objecta, & colores potuerit distinguere.

CASUS DECIMUS NONUS.

VIrge, 22. ann., ex incipiente intra utroque oculo cataracta, visus adeo debilis factus est, ut jam citra summam adtentionem vix amplius sola incedere potuerit.

Ex usu autem harum pilularum intrabinos & dimidium menses cataractæ penitus dispulsa sunt, & visus adeo bonus rediit, ut jam fila per subtilissimum acuum foramina ducat, & neat accuratissime.

Dominus *Leber* hanc Virginem ad *Illusterrimum VAN SWIETEN* adduxit, ut *Ipse* historiam audiret, & videret effectum.

CASUS VIGESIMUS.

FOemina, 25. ann., strumam scirrhosam habuit, quæ non tantum anteriorem colli partem occupavit, sed & in cavum pectoris penetravit, & respirationem fecit difficilem.

Usu harum pilularum, spatio quatuor mensium struma partim suppuratione, partim benigna resolutione consumta est, & respiratio reddebat liberrima.

Simul sanatum est profundum & malignum in femore sinistro ulcus, quod hucusque omnium medicamentorum viribus repugnavit, & diligentissimum mei nosocomii chirurgum *Haffner*, ultra semi annum defatigavit.

Hæc sunt experimenta, quæ ego integro cum successu institui; alia quidem plura possem recensere, verum, quoniam ad finem perducta non sunt, ea potius silentio prætereunda putavi.

Ne autem mea solummodo tentamina adducantur, & ne ego solus *Cicero* pro domo mea videar, alia quoque, a *Viris* in arte dignissimis facta, paucis juvabit enarrare.

Erant tres forores, quarum binæ a glandulis colli tumidis & scirrhosis suffocatæ sunt, tertiam autem *Illustriſſ. noſtræ Facultatis Præſes Baro van Swieten* eis pilulis servavit, restituit.

In simili casu, ubi omnia fere artis auxilia fruſtra ſunt exhausta, & ubi ipſa viſ electrica ſine effectu fuit adhibita, *Perilluſtris ac celeberrimus Archiaſter KESTLER* ex uſu harum pilularum egregium quoque effectum habuit; & nullum unquam malum ſymptoma obſervavit, longo licet tempore quotidie ægræ ſuæ triginta pilulas, quarum quælibet duorum granorum fuit, exhibuerit.

In nosocomio militari, hic Viennæ in Leopoldina ſito, erat miles, cui ex parotide

parotide dextra scirrhus tantæ molis excrevit, ut totam ejus lateris faciem ad oculum usque occuparit.

Scirrhus hic summo dolore, colore livido & subnigro aliisque pessimis signis teturum cancrum minitabatur, & inde timendam tabem.

Doctissimus medicus castrensis *Joannes Kollman*, qui huic nosocomio præerat, meas pilulas tunc in usum vocavit, & externe apposuit fomentum ex cicuta.

Quo facto, non solummodo cancri minas brevi suppressit, sed & tumorem scirrhosum fere totum intra aliquot septimanas dissipavit.

Bonus miles, exiguae scirrhi reliquias flocci faciens jam non amplius in nosocomio morari voluit, unde cæteroquin sanissimus adivit exercitum.

Nobilissima matrona occultum cancrum in ambabus mammis per tres annos celavit.

Tandem dolores facti sunt nimium vehementes, hinc inde in mammis tubera livida prodierunt, quæ pessimam cancri exulcerationem præsagiebant.

His commota Expertissimum hujus civitatis medicum practicum *Josephum Pöck* advocavit, eique suum malum detexit; qui his visis statim concluserat meas pilulas adhibere; quibus id effectum est, ut intra tres septimanas non tantum omnes dolores cessaverint, sed & color subniger, & lividus disparuerit, redieritque color naturalis.

Post aliquot dies tubera recefferunt.

Sesqui menses spatio mammarum durities in superficie cepit mollescere.

Post binos menses magna duritiei portio in minores moleculas dividebatur, quæ dato purgante evanuerunt, & mammarum moles imminuta est.

Hæc matrona, viso tam præclaro effectu, diligentissime & summa cum confi-

confidentia has pilulas assument; atque testata est, quod non tantum in mammis sentiret levamen, sed quod etiam a vomitu & cardialgia, qua antehac aliquoties de die vexabatur, ut & a doloribus rheumaticis, quibus frequenter fuit subiecta, ex usu harum pilularum esset libera.

Optimo in progressu hujus experimenti morbus acutus inflammatorius supervenit, qui lethalis fuit.

Sanguis, in morbo acuto aliquoties e vena missus, semper lardaceus, & valde densus fuit; hinc non est, cur quidam timeant, has pilulas sanguinem in putridum liquamen convertere.

Per plures septimanas hæc matrona quotidie triginta pilulas assument, nec unquam quid mali inde conquesta est.

Ferdinandus Leber, chirurgus nosocomii civici, qui non solum ob egregiam suam in chirurgia experientiam & dexteritatem,

teritatem, sed & ob promptum erga pauperes æque ac divites officium summopere est laudandus, his pilulis multa quoque experimenta fecit.

Pertinacissimos scirrhos in diversis corporis partibus resolvit.

Cancros plurimos non modo in mammis sed in facie, ad oculos, nasum &c. emendavit, & quosdam integre curavit.

Omnes suos ægros sub cura illustrissimo VAN SWIETEN ostendit, ut *Is* certus esset de effectu.

Idem *Leber* in variis oculorum vitiis has pilulas bono cum effectu adhibuit, in malis autem inveteratis plerumque frustra fuit. Tentare tamen licet.

Nihilominus mecum observavit Dominus *Leber*, quod omnes ii, qui in cataracta, aut alia humorum in oculis inspissatione his pilulis usi sunt, sub usu pejores non sint facti, licet curam non receperint.

Hinc

Hinc similibus malis hæ pilulæ saltem limites ponunt, & experientia docuit, quod tunc binæ, mane & vesperi sumtæ, sufficient.

Effectus autem quandoque valde tardus est, & tertio quartove mense primo fit sensibilis ; hinc non illico est desperandum, si intra paucas septimanas ab his pilulis nil mutatur.

Dum hæc scribo, me accedit fœmina (30. aliquot ann.) quam doctissimus ac dexterissimus nosocomii ad S. *Marcum* chirurgus *Rechtberger* tribus abhinc mensibus ad me misit.

Hæc ab aliquibus annis scirrum in mamma sinistra habuit, qui usu diverorum medicamentorum cepit vehementer dolere, & minitari cancrum.

Re bene considerata statim ter de die exhibui tres pilulas.

Intra paucos dies sedabantur dolores, scirrus autem immutatus perstigit.

Sensim

Sensim pilularum dosin auxi, donec ægra octodecim per diem assumfit; hac ratione in undecimam septimanam continuatum est; & tunc nullam adhuc mutationem in scirrho inveni.

Hinc ego de effectu dubitavi; ægra tamen contenta, quod dolores filerent, pilulis diligentissime usa est.

Decima tertia septimana scirrus ce-
pit emolliri, in partes dividi, & tam
subito fundi, ut spatio decem dierum
vix amplius $\frac{1}{2}$ supersit, & quod su-
perfites tangitur, molle est, & pasta-
ceum.



C A P U T III.

COROLLARIA.

Corollar. 1.) Ex his colligitur, ex succo cicutæ, lento igne inspissato, parari remedium maxime innocuum, quod in omni temperamento, ætate, sexu &c. ad satis magnam dosin potest exhiberi.

Corollar. 2.) Hoc remedium nullam corporis actionem, secretionem aut excretionem turbat.

Corollar. 3.) Agit modo insensibili, nec alvum, nec vomitum, nec urinam, nec sudorem movet.

Corollar. 4.) Indurata & scirrhosa in iis etiam casibus resolvit, ubi alia medicamenta, maxime penetrantia, nihil efficiunt.

Est igitur medicamentum summe resolvens.

Corollar.

Corollar. 5.) Quæ non resolvit, ea plerumque ad benignam suppurationem redigit.

Corollar. 6.) Cancro ponit limites.

Corollar. 7.) Acre cancrosum emendat, fœtorem dispellit.

Corollar. 8.) Ichorem cancrosum in bonum pus convertit.

Corollar. 9.) Sedat dolores.

Corollar. 10.) Cancrum curat.

Corollar. 11.) Ulcera alias insanabilia sanat.

Corollar. 12.) Fistulas & sinus, ad omnia alia remedia rebelles, claudit, consolidat.

Corollar. 13.) Tumores œdematosos usu externo dissipat.

Corollar. 14.) Vifum, cataracta nondum inveterata, demtum quandoque restituit.

Corollar. 15.) Incipientes cataractas aut solvit, aut earum progressum faltem impedit.

M O-

MONITA.

Usus docuit :

1^{mo}. FOeminas, quæ scirrho aut cancro in mammis laborant, omne manuum exercitium, & celeriorem corporis motum debere evitare.

2^{do}. Aërem tamen rusticum, & leniorem in illo motum curam accelerare.

3^{to}. Nocere iram, tristitiam, & subitum terrorem.

4^{to}. Nocere acida, vinoſa, austera, & farinacea, cruda, non fermentata.

5^{to}. Nocere in scirrho inveterato, & cancro omnem adtritum, frictionem, & pressionem.

Hinc duræ & angustæ thoraculæ, & aspera indusia sunt vitanda.

6^o. Nocere violentam tussim : etenim ea cancrum excitat, aut reddit pejo-

pejorem, producit hæmorrhagias, vires
debilitat, & hac ratione curam retardat,
& fere impossibilem facit.

Fœminæ, quæ difficultem habent re-
spirationem, & anhelant, atque in-
ter tussiendum in cancrofa aut scir-
rhosa mamma acutissimos dolores sen-
tiunt, mammamque quasi chorda vio-
lentissime constringi & tussi intra pec-
tus trahi putant, plerumque habent
pulmones scirrhosos, & ea in parte
cum pleura firmissime concretos.

Hinc cura difficilior & fere impos-
sibilis.

Experientia didici has pilulas phthi-
fisis nullo modo obesse, nec impedire
sputa, sed ea potius promovere.



QUAE-

QUAESTIONES

IN multis casibus solum succum cicutæ in pilulas redactum hucusque tentavi, ut hoc modo accurate experirer, quid hic solus & simplex possit præstare.

Verum quandoque vidi effectum esse celerem, quandoque admodum tardum: unde quæritur an in tarda hujus medicamenti actione non possit extenis remediis effectus diversa ratione accelerari?

Quæstio 1^{ma}. An non conveniret aliquoties per diem ad partem affectam calidos vapores decocti cicutæ applicare?

Quæstio 2^{da}. An fors esset utilius, si cataplasma ex cicuta paratum læsis partibus continuo applicaretur?

Plura experimenta demonstrarunt simile fomentum in his circumstantiis valde utile esse.

Sunt tamen ægri, qui hoc nudæ cuti applicatum ferre non possunt, hinc:

Quæstio 3^{ta}. An non præstaret horum ægrorum cutim emplastro dia-pompholygos tegere, & tectam tali cataplasmate fovere?

Quæstio 4^{ta} An, dum scirrum ad-huc irritare licet, non prodesset, si emplastrum de cicuta, de ladano, aut de galbano apponenteretur?

Quæstio 5^{ta}. An non requiritur, ut sub usu pilularum ægris, quorum vires id ferre videntur, sæpius detur purgans? etenim materies soluta, nulla sensibili evacuatione, educitur.

Tentamina, circa hanc quæstionem in aliquibus ægris facta, simile quid suadere

suadere videntur; interim tamen necessitas id non postulat.

Quæstio 6^a. Si casus obvenirent, in quibus acre cancrosum admodum profundas egit radices, omnesque humores corrupti, & solida adeo debilitavit, ut hæ pilulæ solæ haud sufficerent; an tunc non oppoteret corticem peruvianum his jungere? ut hac ratione ex utriusque virtute pararetur medicamentum, quod omni indicationi faceret satis.

Necessæ est igitur ut quivis medicus symptomatibus supervenientibus singulari sua industria & judicio obveniat.

His præmissis, jam omnes & singulos medicos oro, ut hoc extractum, quacunque data occasione, tentent & adhibeant; sed obsecro simul, ut omne præjudicium omneque invidiarum genus deponant: etenim cogitent similia salutem proximi adtinere.


Si

Si ex usu, quid sinistri experiantur, inquirant sedulo, an id ex nimia mali vehementia? an ex errore, ab ægro aut adstantibus commisso? an ex ipso medicamento proficiscatur? Nec ilico sine omni judicio & disquisitione remedium, tanquam nocivum aut iners, condemnent; si vero noverint meliora, ea, non vellem, in favorem hujus remedii, negligerent.



ERRATA.

Præf. pag. 2. lin. 3. leg. desidero. p. 8. lin. 18, 19. leg. in-
tumuit. p. 15. l. 5. leg. continuato. ibid. l. ult. leg. enar-
ravit. p. 29. l. 10. leg. tota. p. 32. l. 14. post em-
plastrum dele,





Cicuta eff. H. L. Aliorum
Germanic Spierling. Gallie Cigue.
Anglia Common Hemlock.
Cicuta major C. B. TOLR.
Cicutaria vulgaris CLUS.
Cicuta vulgaris major MORS.
Conium maculatum L. EN.

Augustin Cipri Medicina Studiulps: Vienna
et delineavit ibidem 1763

ANTONII STÖRCK,

SACRÆ CÆSAR. REG. APOST. MAJESTATIS CONSILIARI^{II}
AULICI, ARCHIATRI, ET IN NOSOCOMIO CIVICO
PAZMARIANO PHYSICI,

SUPPLEMENTUM
NECESSARIUM
DE
CICUTA,

UBI SIMUL JUNGITUR CICUTÆ IMAGO,
ÆRE EXCU^SA.



VINDOBONÆ,

TYPIS, JOANNIS THOMÆ TRATTNER, CÆSAR. REGIÆ
APOST. MAJESTATIS AULÆ TYPOGR. ET BIBLIOPOLÆ.

MDCCCLXI.

СИГИЗМОНД

СИГИЗМОНД СВЯТОЙ ПАПЫ РИМСКОГО
СИГИЗМОНД ВЪЛХВЪ СВЯТОГО ДУХА

СИГИЗМОНД
СИГИЗМОНД

СИГИЗМОНД
СИГИЗМОНД



PRAEFATIO.

MAgnum medicamentorum historias si attente legimus, videmus: de eorum efficacia semper & ubique acriter fuisse disceptatum.

Fuerunt medici, qui ea illico damnarunt, & tanquam noxia proscripterunt.

Alii autem, factis contrariis experimentis, ea laudarunt, commendaruntque, ut maxime salutaria.

Doctis his litigiis tandem res in ordinem fuit redacta, & recepta in usum communem.

Idem cum cicuta futurum, clare prævideo.

Interim doleo vehementer, quodam viros medicos, in magna dignitate constitutos, nunc nimis præcociter & severe protulisse suam contra cicutam sententiam, eamque, ut plantam venenatam & inutilem, damnasse, aliis dissuasisse.

Sapit hoc nimiam contradicendi

di cupidinem, & medicinæ rationali repugnat.

Quod autem omnium mihi acerbissimum accidit, est: eos experiri summos adversarios, quos magna semper pietate colui, quos omni officii genere affeci, & quorum potius fuisset, meas tueri partes, quam laedere.

Verum nec inde moveor, nec vindictam fitio: & ut hi mei adversarii vere agnoscant, meum animum propterea nequaquam ab iis esse alienatum (licet opinione dissentiam) has observationes in ipsorum honorem scribo, ipsis offero, & debita reverentia dedico.

A 3

Nec-

Nec tamen ullo modo eos oro, ut
quid in mei favorem faciant ; ament
tantum veritatem , agant justos rei
arbitros , & id fateantur ingenue,
quod cedit in decubentis salu-
tem.

Inanes quorundam clamores non
curo, flocci facio.

Qui foliorum strepitum timet, ne
adeat sylvam.



AP-



SUPPLEMENTUM
NECESSARIUM
D E
C I C U T A.

Binis voluminibus jam demonstravi, confirmavique, quænam insit cicutæ vis, & efficacia.

Non opus propterea fuisset, ut denuo super eadem materia uterer calamō.

Quum vero multi adhuc sint, qui meæ cicutæ ideam non habent, deque ejus specie, & caractere disceptant,

A 4 neces-

necessarium erat, hanc plantam ære ex-
cudere.

Ut autem hoc rite, & ad omnium
intellectum, facillimum, clarissimum,
& sine errore fieret, rogavi celeberri-
mum ac indefessum institutionum, &
materiæ medicæ Professorem *Crantz*, velit
Is hanc herbam in suum hortum bota-
nicum suscipere, & accuratissimæ ex-
pressionis gerere curam.

Præstitit hoc libentissime, & tra-
dedit mihi hanc tabulam, a doctissimo
Domino *Cipps* Medicinæ Candidato pi-
ctam, & sculptam.

Ex hac quivis in re herbaria vel
parum peritus, primo statim intuitu
plantam distinguet, & ab omnibus aliis
dignoscet.

Extractum vero non ubique ad
meam

meam mentem paratur: sumunt enim
fucci expressi ingentem copiam, eam
in vase cupreo igne satis forti coquunt,
fætor inde ingens longe lateque spargi-
tur, avolat, quod est optimum; præ-
terea nimium sollicite succum & ex-
tractum purificant.

Fit hac ratione massa nigricans,
tenax, haud multum fœtens.

Mea autem methodo dum paratur,
debet esse extractum crassum, ex fusco
viridescens, & ingratissimum habens
fœtorem (qualem mures domestici
spargunt)

Quidam alias herbas cum cicuta
mischuerunt.

Quidam relinquunt herbam re-
center collectam in uno cumulo per
plures dies, unde flaccescit, & quæ-

dam pars corrumpitur, succus lente-
scit, fit mucilaginosus.

Subinde succum expressum non ili-
co igni admovent, sed per duos ter-
nosve dies exspectant, donec tempus
ipfis commodum, & opportunum videa-
tur; fit tunc in succo alteratio, & vir-
tus minuitur.

Hac occasione putavi: non incon-
gruum fore, si iterum adducam quaf-
dam curationes, quas sola cicuta ab
eo tempore, quo secundus libellus pro-
diit, perfeci.

Brevis ero, ne otium turbem, aut
tempus, medicis adeo pretiosum, lon-
ga narratione absumam.

Ubi dico, me *cicutam* dedisse, sem-
per intelligo cicutæ extractum, id no-
to, ut lites de vocabulo evitem.

nec

Nec ubique medicamenti dosin addidi , quoniam fere semper a parva quantitate incepi , & eosque sensim ascendi , donec sequeretur bonus effectus , & tunc substiti , nec amplius dosin auxi.

CASUS PRIMUS.

Vir , triginta aliquot annorum per plures menses habuit ingentem in abdomine dolorem & continuum ardorem ; non appetiit , urina fuit strangulosa , alvus frequens , semper pauca , ardens , & cum tenebro juncta ; color faciei pallidus , corpus totum macilenterum.

Remedia cujuscunque generis tentata , nil profuerunt , imo turbabatur somnus , & incipiebant deficere vires.

Ci-

Cicuta sola spatio trium septimanarum juvit; rediit appetitus, alvus fiebat naturalis, urina libere fluxit, accessit totius corporis robur, & perfectæ sanitatis habitus.

CASUS SECUNDUS.

Juvenis, 15 annorum, jam a tribus annis in gena sinistra gessit tumorem magnitudine nucis juglandis.

Hunc tumorem penetravit fistula, ichorem plorans.

Medici & chirurgi frustra suam artem hic tentarunt longo tempore.

Data autem cicuta, & disparuit tumor, & apertura fistulæ perfecte coaliuit, & cessarunt omnes dolores.

CASUS TERTIUS.

Fœmina, 40 aliquot annorum, ultra anni spatium, in manu habuit

buit pessimam serpiginem, & cutis in pluribus partibus ad carnem usque fin-debatur.

Nec externa remedia, nec interna purgantia & sanguinem purificantia attulerunt levamen.

Cicuta intra binos menses sanavit.

CASUS QUARTUS.

Fœmina, 30 aliquot annorum, in mamma dextra jam a pluribus mensibus scirrum magnæ molis ad-vertit.

Applicabatur emplastrum, quo & durities & mammæ volumen augeban-tur, extensumque malum fuit infra axillam.

Color siebat purpureus, hinc inde erant striæ lividæ, & dolor adeo ve-hemens, ut diu noctuque ægra dormi-re non potuerit.

Tan-

Tandem tumor elevabatur in tubera, quæ pessimam exulcerationem minitabantur.

Ego acersitus rogavi, vellet omne emplastrum semovere, nihilque adponere exterius præter linteum molle.

Pro interno remedio solum cicutæ extractum præbui.

Spatio octo dierum cessavit fere omnis dolor, mutatus est tumoris color, subsederuntque tubera.

Et nona septimana mamma naturalis fuit.

Maxima dosis per diem erat drachma dimidia.

CASUS QUINTUS.

Fæmina, 27 annorum, a viginti tribus septimanis fere omnia ingestâ vomitu rejicit, & fere contabuit.

Me-

Medici, chirurgi, agyrtæ, & vetulæ jam omnia artis auxilia attulerunt citra ullam mali emendationem.

Exhibui extracti cicutæ grana vinti in mistura quatuor unciarum, ex qua sumebatur omni bihorio cochleare unum, & brevi cessavit vomitus, fæmina appetit, & redeunt vires.

Et jam tertius mensis est, quo nec vomitus signa advertuntur.

CASUS SEXTUS.

VIr, septuaginta annorum, jam in quintum annum ulcus in brachio habuit; acre transfudans vicinas partes continuo arrofit, & excitavit ardentes pustulas.

Remedia adhibita malum quidem levarunt subinde, mox autem iterum ortus est pruritus, rupta est cuticula,

&

& ulcus denuo cœpit acerrimum ichorem plorare.

Sumpfit dein æger , me suadente,
omni mane grana sex extracti cicutæ
& totidem vesperi per quinque septimanas , externe applicatum est emplastrum diapompholygos ; & jam nunc in sextum mensem firmiter clausum est
ulcus, & senex bona gaudet valetudine.

CASUS SEPTIMUS.

NObilis matrona mammam utramque habuit scirrhosam magnam.

Emplastrum appositum omnia irritavit , excitavitque dolores magnos.

Papilla mammæ dextræ fuit solito duplo major, exulcerata , & continuo ploravit ichorem acrem , erodentem , tumor jam infra axillas extendebatur.

Præ dolore hæc matrona fere nec
lo-

loqui, minus ridere, aut libere respirare potuit.

Data cicuta malum mox emendabatur, papilla intra quatuor septimas ad statum naturalem redacta est, & quarto mense mammæ ambæ fuerunt sanæ.

Neque opus erat, dosin ultra octodécim grana per diem augere.

CASUS OCTAVUS.

VIr, 30 aliquot annorum, tumorem pugno virili majorem in colli parte dextra habuit jam a longo tempore.

Erat præterea cachecticus, laborabat vehementibus doloribus, qui totum corpus & omnia membra die noctuque torquebant.

Minuebatur propterea appetitus,

& supervenit corporis macies, & faciei
color ex flavo fuscus.

Quæcunque ad sanandum fuerunt
adhibita, nil profuerunt.

Quamprimum autem bonus vir me
consuluit, dedi cicutam, qua intra pau-
cos dies omnia mutabantur in melius,
& post binos menses aderat sanitas.

CASUS NONUS.

FÆmina, 36 annorum, ulcera ma-
ligna, quæ nasi apicem, nasi alas,
& totum oris labium superius profunde
exedebant faciemque totam aspectu tur-
pissimam efficiebant, a binis annis ha-
buit.

Et omnes hæ partes erant lividæ,
duræ, tumentes, & dolor vehemens no-
ctes insomnes reddidit.

Ichor

Ichor continuo emanans partes adiacentes arrofit.

Remedia purgantia, antiscorbutica, mercurialia, sanguinem depuranta nil mutarunt, & malum videbatur inde longe pejus fieri.

Adhibita cicuta ichor copiosissimus, sed longe blandior, effluxit, mox partes omnes detumuerunt, dolor evanuit, lividus color mutatus est in naturalem.

Spatio trium septimanarum ingens observabatur mutatio in melius, & ægra fuit longe robustior, pinguior.

Abstinuit tunc per aliquot tempus a cicuta, verum res mox iterum in pejus ivit, & dolores aucti sunt.

Quamprimum autem cicuta iterum coepit uti, omnia mala symptomata dis-

paruerunt, & continuato dein usu fesi-
qui mensis spatio ulcera cicatrice ob-
ducta sunt, & omnis tumor evanuit.

CASUS DECIMUS.

FÆmina, 32 annorum, a sex annis
habuit dolorem in inguine dextro,
aderat præterea ibi tumor durus, & ex
utero exstillauit materies acris, puru-
lenta.

Causam hujus mali in ultimum par-
tum rejicit, qui minus felix fuit, &
obstetrix magna vi evulsit placentam.

Nec Balnea nec medicamenta, jam
in sextum annum adhibita, malum mu-
tarunt.

Usu autem cicutæ spatio sex septi-
manarum tumor disparuit, silet dolor,
& cessat fluxus materiei acris.

CASUS UNDECIMUS.

Homo, 29 annorum, variis malis venereis per multos annos dive-xatus est, nunquam autem integre curabatur.

Glandulæ colli, inguinum, circa aures, sub axillis &c. demum intumuerunt, multumque dolorem diu noctuque ægro crearunt.

Remedia antivenerea, & in his casibus alias optima, malum auxerunt, & timenda erat consumptio.

Unde abstinuit ab omni remedio suadentibus Medicis.

Res inde nec in melius, nec in pejus mutabatur, nisi quod dolores subinde fuerint admodum atroces.

Tandem derelictus est penitus a suo medico ordinario, qui dixit: rem naturæ committeret. B 3 Æger

Æger autem in aliquot aliis vidit bonum effectum cicutæ; unde spe fre-
tus me accessit , rogavitque : an non
& sibi conveniret hoc remedium.

Suasi illico , & spatio duorum men-
sium erat curatus , & nihil de scirrhis
superfuit.

CASUS DUODECIMUS.

Virgo, 17 annorum, in tertium an-
num spinam ventosam habuit in
brachio dextro.

Aderant simul fœda ibi ulcera,
Remedia fere innumera externa
internaque nil effecerunt.

Venter fiebat durus , magnus , mem-
bra occupavit dolor dilacerans , ac-
cessit cachexia , virium dejectio , ma-
cies.

Cicuta sola ventrem ad molem na-
tu-

turalem reduxit, dispulit dolores, cachexiam, maciem; & sanavit ulcera, & spinam ventosam.

CASUS DECIMUS TERTIUS.

Puer septem annorum, glandulas omnes colli & circa aures habuit scirrhosas, magnas, dolentes.

Venter præterea quoque durus, & magnus fuit.

Dabantur mane grana sex extracti cicutæ, & totidem vesperi, celer erat inde effectus, atque omnes tumores intra decem septimanas evanuerunt.

CASUS DECIMUS QUARTUS.

FÆmina, 25 annorum, jam in quartum annum tussim vehementem habuit, & pruritum ingratissimum per totum corpus.

Subinde per universam cutim pro-ruperunt pustulæ albicantes, pellucidæ, urentes, rodentes.

Longo remediorum usu tandem cœpit contabescere.

Hoc in statu exhibui bis quotidie quatuor grana extracti cicutæ; & mox prodivit sputis copiosum ac tenacissimum gluten, disparuit pruritus, nunc redeunt vires, bonusque corporis habitus, & adest sanitas.

Hæc dosis non erat augenda, quoniām præstitit, quod optabatur.

CASUS DECIMUS QUINTUS.

Vir, 60 aliquot annorum, post febrem intermittentem habuit ventrem inflatum, hypochondrium dextrum tensum, durum, faciem flavam non appetiit, membra dolore noctur-

no excruciantur, & erant emaciata.

Cicuta hunc integre restituit.

CASUS DECIMUS SEXTUS.

Seni, 70 annorum, vomitus violensissimus, quo jam in tertium mensem laboravit, nullo remedio fisti potuit.

Cicuta, in mistura soluta, hunc brevi inhibuit, compescuit.

CASUS DECIMUS SEPTIMUS.

Infans, trium annorum rachiticus nec pedibus poterat infistere, nec libere respirare.

Cicuta fecit, ut morbus totus disparuerit, ut infans respiret commode, curratque alacriter, cæterosque suos fratres sanitate superet, similes casus plures habeo.

In quibusdam quatuor aut sex grana per diem sufficiunt, in aliquibus vero debet dosis ad grana decem, duodecim, aut viginti augeri.

CASUS DECIMUS OCTAVUS.

Virgo, 26 annorum, uteri hæmorrhagiis vehem entissimis ab aliquot annis erat subiecta; & fluxu sanguinis cessante prodibat ex utero materies crassa, subflava, acris, omnia erodens.

Alii celeberrimi Medici, egoque longo tempore tentavimus remedia fere innumera, levamen autem inde ægra nullum sensit, imo fiebat cachetica, & intumuit.

In casu adeo rebelli volui experire, quid cicuta sola efficeret; dedi propterea ter quotidie tres pilulas, quarum quælibet habuit grana tria. Post

Post paucos dies vidi totius corporis colorem mutari in naturalem, augeri vires, vigere appetitum; proditque urina copiosa cum multo glutine.

Intra mensis spatium totus morbus jam longe aliam faciem habebat.

Etenim libera erat respiratio, quæ antea a minimo motu fere suffocabatur, siluit anxia cordis palpitatio, & somnus siebat tranquillus.

Quod autem maximum, cessarunt uteri hæmorrhagiæ, comparuitque fluxus menstruus debito tempore, debita copia, & qualitate.

Materies utero effluens nec amplius crassa, nec acris fuit.

Post binos menses hæc optime sana omnibus videbatur, & paucum tan-

tum

tum, blandumque serum ex utero exstillauit.

CASUS DECIMUS NONUS.

VIr, sexagenario major, sub mento tumorem magnitudine ovi anserini & lapidis instar durum, dolentemque habuit, qui immobilis & immutatus perstigit, licet remedia interna externaque fuissent longo tempore tentata.

Cicuta eum autem solvit, dissipavit spatio duorum mensium.

CASUS VIGESIMUS.

FÆmina, 40 annorum, cachectica, melancholica, cœpit sensim contabescere.

Nullum in corpore manifestum vi-
tium, quod huic morbo causam præ-
beret, poterat detegi.

Fa-

Facies erat terrei coloris , oculi profundi , vox debilis , cordis palpitatione frequens , respiratio ex paulo fortiori motu fiebat anxia , brevis ; appetitus erat penitus deletus.

Remedia , alias usitata in similibus casibus , nullum levamen attulerunt.

Tres autem cicutæ unciæ , successively deglutitæ , restituerunt appetitum , corporis vigorem , animi hilaritatem ; correxerunt cachexiam , & jam hæc fæmina cum omnium admiratione optata sanitate fruitur.

Cachexia & corporis attenuatio , si non pendet a vomica intus latente , aut a corrupto quodam viscere , cicuta plerumque curatur.

CASUS VIGESIMUS PRIMUS.

Decennis puer a spina ventosa per totum corpus & circa omnem ferre articulationem , ut & in facie , & circa oculos misere exulceratus , emaciatus , & totus cacheticus per plures annos varia ab optimis medicis frustra assumpfit , imo morbus semper ruit in pejus.

Data sola cicuta coaluerunt jam omnia ulcera , nec cicatrices foedæ sunt , magna ossium fragm antefecesserunt , adsunt bonæ vires , naturalis faciei color , & habitus totius corporis est sanus.

Sensim augendo dosin jam per plures septimanas drachmam integrum extracti cicutæ quotidie assumpfit.

CA-

CASUS VIGESIMUS SECUNDUS.

FÆmina, quadraginta major cancro aperto, miserrime exulcerato, jam in secundum annum laboravit.

Usu interno externoque cicutæ ulcus totum jam fere coaluit.

Erat antea tota macilenta, noctu sudavit, non appetiit.

Nunc autem adsunt optimæ vires, color faciei bonus, somnus tranquillus, abest dolor, cessavit sudor, evanuit macies.

Datur jam quotidie drachma una cum dimidia de cicutæ extracto.

In alia fæmina, triginta aliquot annorum, cancrum apertum, magnum, solo cicutæ usu intra sex septimanas ad exiguum molem redigi; & jam incipit formari cicatrix.

Hi

Hi casus in civitatis praxi mihi observenerunt, ea autem, quæ in nosocomio vidi, & quæ certo mira sunt, & orbis litterati adtentionem merentur, hic referre non potui, quoniam Dominus *Collin*, optimus meus collega, ea fideliter describit, & brevi dabit prælo.

Adeo bonos, & adeo manifestos de cicta in nosocomio effectus quotidie videmus, ut non tantum artis studiosi, sed alii ignari, qui circa ægros sunt, mirentur, obstupescant.

Verumtamen sunt quidam casus, qui non succedunt.

Morbus enim si jam nimium fuerit progressus, aut si totius corporis habitus fuerit penitus destruetus, quis est, qui curabit? aut quænam Medicina sanitatem promittet?

Nec

Nos nec facimus , nec cupimus a nostris medicamentis miracula , sed attendimus quousque possimus arte pervenire.

Si obstaculum invenimus , consideramus : an id arte superandum ; dum id præstare non possumus , agnoscimus nos esse homines , & adhuc multa ignorare.

Nequaquam nobis imaginamur , nos aliis esse arte maiores , sed cupimus quotidie vel ab infimis doceri.

Rogamus autem quoque alios , ut eadem mente in nos utantur , si erramus , aut erravimus , nobis monstrent debita amicitia & decenti methodo errorem ; & nec erubescemus meliora erudi , nec erimus pertinaces.

COROLLARIUM PRIMUM.

Cicutæ extractum est remedium maxime innocuum.

Potest, sensim augendo dosin, exhiberi per diem ad drachmas duas, tres, quatuorve.

Et tantæ dosis usus potest per plures septimanas tuto continuari.

Non nocet cicuta infantibus, nec pueris, nec mediæ ætatis hominibus, nec senibus, nec decrepitis, nec fœminis gravidis, nec embryoni in utero latenti, nec nobili, nec plebejo.

COROLLARIUM SECUNDUM.

Cicuta nec majorem motum, nec in sanguinis circulo turbam excitat.

Neque refrigerat, nec calefacit.

COROLLARIUM TERTIUM.

Cicutæ extractum est medicamen-
tum efficacissimum.

Raro tamen alvum movet, & ra-
rissime vomitum, quandoque transpi-
rationem auget, sæpe autem urinam
copiosam & glutinosam prolicit.

In plurimis tamen ægris nullam ex-
cretionem sensibiliter auget.

COROLLARIUM QUARTUM.

Cicutæ extractum vim maximam re-
solvendi habet, & ibi sæpe pe-
netrat, & illuc pertingit, quo fortissi-
ma hucusque cognita remedia perve-
nire non potuerunt.

Obstructa referat; hinc sanguinis
circulum turbatum, & impeditum re-
redigit in ordinem.

Unde languorem, torporem, doloremque in membris (a simili causa pendente) tollit.

Mentem reddit serenam, corpus ad agilitatem roburque naturale disponit.

Auget secretiones, unde sæpe aures, nares, os, faucesque ficas, reddit humidas, transpirantes.

Viros steriles, ob vasorum immeabilitatem aut obstructionem, reddit fœcundos.

Fœminarum uterum mucosum induratumque referat, fluxui menstruo a simili causa impedito viam pandit, & conceptioni parat locum.

Infantes a rachitide liberat.

Membris sæpe stuporem, frigus, insensibilitatem, & marcorem auffert; atque efficit, ut redeat naturalis calor,

lor, muscularum vigor, & torofitas,
sensusque necessarius.

Eadem ratione oculorum vasa libe-
rat, visum impeditum restituit, dispel-
lit quandoque amaurosin.

Huic eidem remedio s^epe surditas
cedit; s^epe odoratus perditus ejus usu
iterum restituitur; loquela impedita,
fit s^epe libera, distincta.

Resolvendo tollitur s^epe rheuma-
tismus, aut dolor articulorum invete-
ratus, & pertinacissimus.

COROLLARIUM QUINTUM.

Cicuta tumores ab obstructione or-
tos solvit, funditque scirrhos
etiam antiquos, & omnibus aliis effica-
cissimis remediis resistentes.

Nec interest in quanam corporis
regione tales tumores lateant; æquali-

vi in omnes partes agit: sic referat glandulas sublinguales, subaxillares, circa aures, in collo, sub axillis, in pectori, ventre, inguinibus, in ano, ute-ri vagina, utero, pene, scroto, testiculis &c.

Ventrisscirrhos solvendo saepe hydrozem curat.

Infantum ventres duros infarctosque emollit, & ad statum naturalem reducit.

Unde saepe cachexiam corrigit, & ipsam phthisin, aut hecticam febrem fugat, sanat.

Pulmonum scirrhos fundit, producitque sputum glutinosum, hinc tollit difficultem respirationem, sudorem nocturnum, tabem.

Articulorum tumores dissipat , & reddit flexilitatem , partiumque motum.

COROLLARIUM SEXTUM.

Cicuta subinde fundit cataractas , aut eorum progressum impedit.

Et hac ratione visum conservat , aut auget , aut perditum restituit.

COROLLARIUM SEPTIMUM.

Sanguinis acrimoniam emendat & morbos inde pendentes tollit.

Curat acres fluxiones , salsedines , pruritum , serpiginem , tineam pessimam , inveteratam & ad omnia rebellem scabiem.

Sanat ulcera maxime maligna , fistulas , sinus ,

COROLLARIUM OCTAVUM.

Tollit ossium cariem, aufert corruptionem; lamellarum separationem adjuvat.

Hinc remedium est in spina ventosa.

COROLLARIUM NONUM.

Cancrum curat, aut emendat ejus acrimoniam, pusque bonum inducit, sopit dolores.

COROLLARIUM DECIMUM.

Remedium est contra fluorem album malignum, contra gonorrhæam inveteratam, rebellem.

COROLLARIUM UNDECIMUM.

Vomitum fistit, & pertinacissimas cardialgias.

COROLLARIUM DUODECIMUM.

Tollit reliquias ex morbo venereo superstites, quæ nulli alii remedio cedunt.

CO-

COROLL. DECIMUM TERTIUM.

Cicuta curat morbos, qui post malignas variolas sequuntur.

Ad hoc confirmandum binas mihi historias scripsit celeberrimus hujus civitatis medicus Dominus *Lebmacher*.

Historia prima est de proprio ejus filiolo, quam ita habet: „charissimus „meus quinque mensium filius, saniissimus, vigefimo sexto Februario „anni 1760 variolis corripitur, quæ, „licet discretæ, non tamen adeo bonæ „indolis erant.

„ His dum nono morbi die subita „diarrhoea accederet, factum est, ut „omnes sinistri lateris pustulæ a facie „ad pedem usque collaborentur, dum „illæ lateris dextri elevatae manerent.

„ Dum hæc fiunt , brachium totum
„ sinistrum , genu pesque sinister ex-
„ tremus mirum in modum intumue-
„ runt , cum motus impotentia , &
„ dolore summo ; quem misellus tri-
„ stissimo ejulatu , si attrectaretur , te-
„ stabatur.

„ Verum hæc mala nullo aperturæ,
„ nec natura , nec arte faciendæ , in-
„ dicio industria dexterimi chirurgi
„ Leber quatuor fere mensium spatio
„ percurata sunt , ut nullum five mo-
„ tus five alterius actionis impedimen-
„ tum superfuerit.

„ Interim cum morosus puer neque
„ in variolis , neque toto alio tempo-
„ de ullum medicamentum , seu vi seu
„ fraude assumeret , quin illud subito
„ ore redderet , nec lac maternum cum

„ ci-

„ cibis lacteis demulcendæ cacochy-
„ miæ variolosæ sufficeret, successu tem-
„ poris totum corpus innumeris, icho-
„ rosis, pessimis ulceribus a vertice
„ ad plantam usque ita depascebatur,
„ ut præter turgidum abdomen sola
„ ulcerosa cutis ossa tegeter.

„ Suo fato in deplorando hoc sta-
„ tu usque ad vigessimum primum æta-
„ tis mensem, Junium nempe 1761 re-
„ lictus puer nullam omnino salutis
„ spem dederat, omnibus quotidie in
„ pejus ruentibus. Volui tandem ten-
„ tare quid extractum cicutæ, quo-
„ modocunque ingestum, in hoc mor-
„ bo efficere possit.

„ Dedi itaque ad initium Junii quo-
„ tidie grana duo unum mane in bacca-
„ rum caffée & hordei tosti decocto

„ te-

„ tenuiori , addito lacte , & alterum
„ vesperi, ne adverteret, in potu cocco-
„ latæ.

„ Sic sensim dosin auxi , ut quoti-
„ die grana sex fumeret , nulla interim
„ habita dicetæ ratione.

„ His factum est, ut ulcera bonum
„ pus fundere, depurari, consolidari,
„ in toto corpore evanescere incipe-
„ rent , una alterave crusta in parte
„ capillata capitis restante.

„ Viribus jam medio Julii ita au&tis,
„ ut agilis in cubiculo forisque erecto
„ capite, oculis nitidis, apertis, cur-
„ reret, nec solis radios, nec candelæ
„ lumen formidans , quod per duos
„ menses ob inflammatos oculos ad-
„ motis semper ad easdem manibus de-
„ misso capite ferre non potuit.

„ Sic

„ Sic sensim morosissimus antea
„ puer jam tota fere die ludibundus
„ alacriter currit.

Sumpfit autem extracti cicutæ drachmas sex, nec aliud præterea medicamentum.

Lectores optimi! si vel unicus hicce casus effet: an non cicuta maximam laudem mereretur?

Data est cicuta infanti extenuato, ulcerato, pessime cachectico, curatus inde est hicce infans.

Est igitur cicuta remedium innocens, est remedium efficax.

Sunt quidem terribiles in medicina calculatores, qui forsan hanc curationem in decoctum hordei tosti, vel infusum caffée, vel in cocolatam, vel in vim naturæ ponent.

Ve-

Verum sciant hi, hunc infantem
hos potus jam ante usum cicutæ assump-
tisse, & tamen res quotidie ruit in
pejus, hinc tunc nec vis naturæ egit,
nec hicce potus. Sed quam primum
cicutæ extractum datum fuit, infans
cœpit melius se habere.

Unde tibi, cicuta! laus debetur.
Secunda historia, ab eodem doctissi-
mo viro mihi communicata, est sequens:

„ Sub finem Junii 1761 forte con-
„ veni nobilem quandam fœminam
„ viginti trium annorum, quæ octo-
„ decim abhinc annis variolis confluen-
„ tibus laboraverat, quarum tristes
„ reliquias adhucdum luget; præter
„ amissum enim dextrum oculum ul-
„ cus in gena dextra cum tumore duro
„ habet.

„ Varia, ut illa narrabat, interna, exter-
„ na ad hoc consolidandum tentaban-
„ tur remedia; sed omnia (ipsa quoque
„ salivatio) incassum adhibita fuerunt.

„ Boni de extracto cicutæ in simili
„ etiam morbo successus memor eidem
„ hoc remedium suasi.

„ Quæ licet medicamentorum jam
„ pertæsa, annuit tamen.

„ Incepit itaque prima Julii sumere de
„ cicutæ extracto quotidie grana octo.

„ Ulcus remoto emplastro, nescio
„ quali, linteo, decocto cicutæ madi-
„ do, foveri curavi.

„ Post octiduum jam tumor minor
„ molliorque apparuit, & in margine
„ ulceris levia cicatricis formandæ in-
„ dicia videbantur.

„ Interim in medio ulceris hinc in-
„ de

„ de caro fungosa excrevit , quæ insperso cicutæ pulvere absumpta est.

„ Crustam vero melle rosarum , cum
„ eodem pulvere permisto , abstuli ,
„ quæ toties repetebantur , quoties
„ fungosa caro repululavit.

„ Interea numerum pilularum sensim auxi ita , ut tribus elapsis hebdomadibus jam quotidie grana triginta duo sumeret.

„ In qua dosi hucusque permansi uno alterove die intermisso.

„ Sub hoc tempus tumor , durities fere penitus disparuerunt , ulcus depurari , exsiccati , & levi pellicula obduci coepit , jamque ita clausum per sex hebdomadas manet.

„ Perget haec foemina in eadem cicuta dosi , donec firma fuerit cicatrix.

Ab

„ Ab initio Junii hucusque ad finem
nempe Septembris jam sumpfit uncias
„ quatuor extracti cicutæ.

„ Ex nullo alio medicamento per
octodecim annos quidquam profecit.

„ Nunc autem usū cicutæ appeti-
„ tum augeri sentit, pingueſcit, dolo-
„ ribus rheumaticis, quibus alias ve-
„ xabatur, libera eſt, nec de ulla re-
„ conqueritur.

An quis sanæ mentis homo dubitat
de cicutæ efficacia?

Cum autem cicuta agat in veneno-
ſas variolarum reliquias, oritur quæ-
ſtio: an non & in ipſo morbo variolo-
ſo, maligno, parca doſi, & prudenti
manu atque provido iudicio eam ad-
hibere licitum eſſet? Naturæ analogum
eſt, & infinitis experientiis conſtat ve-

D geta-

getabilia cujuscunque generis in nostro ventriculo posse digeri & in inguinibus humores converti; id autem de mineralibus nequam verum est.

Vegetabilia igitur facilius a nostra natura feruntur, & longe tutius convenient.

Ergo: si aliis licuit in virofa variolarum dispositione mercurio uti, & antimonio, cur non & nobis daretur veniam sine omni conscientiae remorsu, ut cicutam tentaremus, dum optima remedia hucusque cognita nil efficiant? Hi bini casus a doctissimo Lebmacher hic erant maxime necessarii ad thesin meam comprobandam.

Habeo & ab aliis tam hujatis, quam exteris medicis pulcherrimas, & felicissimas de cicuta historias, ha-

beo

beo & tales, quæ minus feliciter suc-
cesserunt; verum judicavi omnes has
in aliud tempus esse asservandas.

MONITA.

Hæc corollaria ex repetitis expe-
rientiis deducta, confirmataque
sunt.

Rogo tamen omnes, & singulos
medicos, ne sibi persuadeant, me ejus
esse opinionis, ut credam: hæc genera-
lia esse & ubique cicutam debere cu-
rare.

Dico & fateor palam: me quoque
in omni genere habuisse ægros, quibus
cicuta non profuit, licet ex morbi si-
militudine fuisset indicata.

Casus tamen quos enarravi veros
esse, non credo, erit, qui dubitet.

Si tamen quis de rei veritate am-

bigeret, meamque probitatem suspe-
ctam haberet adeat is *Illustriſſimum van
Swieten*, qui ægrorum nomina habet,
habitationisque locum.

Felicem me! cui sub *tanti viri auspi-*
ciis licet facere medicinam.

Vidi ægras pessimo mammæ cancro
laborantes, quas cicuta cito juvit,
erant autem plures aliæ, quibus cicu-
ta solummodo leyamen attulit, non
vero eas curavit; aliæ ex usu cicutæ
nullam expertæ sunt mutationem; una
alterave cicutam non potuit ferre.

Idem circa alios morbos, in quibus
cicutam laudavi, intellectum volo.

Nam tantum contendō: cicutam
quandoque prodesse, & mira præstare,
ubi alia medicamenta maxime cele-
brata, & heroica, nil valent.

Si

Si & alii medici alia adhuc reme-
dia inveniant, poterimus successive
omnes difficillimos morbos sanare.

Profecto! mihi gratulor, dum au-
dio, plures esse medicos, qui circa
diversa vegetabilia meum exemplum
sequuntur.

Quot adhuc millia plantarum sunt?
quarum virtutes ignoramus. Verum
ad has detegendas industria, labore,
providentia, & animo, ab omni secta
libero, opus est.

Nec jura in verba magistri.

Præterea tamen firmiter semper in
mente erit tenendum: arti & medica-
mentis esse limites.

Cum jam cicuta in eodem morbo
quandoque profit, quandoque autem nil
præstet, certum est, debere latere quan-

dam differentiam , cuius signa dignostica nobis adhucdum deficiunt.

Neque ego solus ad ea determinanda sufficio ; atque ideo nequaquam potui hucusque dare firmas regulas.

Ii autem , qui me adjuvare potuissent , debuissentque , manum traxerunt de tabula , imo acri discursu , & reiteratis ad artis filios sermonibus mea opuscula damnarunt , proscripterunt , igne ferroque ea deleta voluerunt.

Heu me ! misera hominum fors.

Ego in binis meis de cicuta libellis casus felices , & infelices enarravi , & monui præterea semper : citutam non omnibus æque profuturam , dixi jam in secundo libello , mihi futurum satis , si usu cicutæ unum ægrum ex centum conservavero & curavero , qui

aliis

aliis medicamentis non potuisset restitui.

Si ex aliis nonaginta novem medicis quivis tantum præstiterit, quantum ego, tunc omnes centum restituentur.

An quis sincerius, honestiusque posset scribere? mundo licet sua experimenta fideliter & caute proponere, cuivis autem medico liberum dein est, velle uti tali remedio, aut velle illud negligere.

Nec honorem, nec gloriam, nec nomen immortale, nec lucrum desidero, vellem tantum esse utilis misero, & ægrotanti humano generi, vellem calamitates levare, auferre; uti cuiusvis medici officium postulat, vellem propterea alii me non turbarent.

Aliquot centenas libras extracti ci-

cutæ ægris exhibui, & vera conscientia affirmo: me nulli unquam nocuisse; etenim dum vidi rem bono esse in tramite acriter perexi, continuavi, auxi dosin; quamprimum autem observavi (quod quidem rarissime accedit) ægrum inde bene non habere, abstinui se posuique cicutam. Ita ars jubet.

Cum igitur hoc medicamentum prudenter exhibitum nequaquam possit nocere, artis officium exigit, id omnibus plurimum commendetur, ut fiant innumera experimenta, quæ conferantur inter se, comparenturque secundum omnia signa, symptomata, eventus; inquirantur dein rationes & causæ, cur in eodem morbo quandoque prospicit cicuta, & radicaliter
curet,

curet, & cur autem quandoque nil efficiat.

Visa differentia, inventa rei causa clare patebit: quo usque cicutæ efficacia se extendat, poteritque dein dari ratio: cur cicuta non in omnibus æqualiter agat, & tunc facile erit determinandum, quibus in casibus evidenter conveniat, in quibus præstet nihil.

His in ordinem redactis poterimus iis in casibus ubi cicuta iners est, de alio remedio cogitare.

Tali ratione cum ingenti reipublicæ emolumento limites nostræ artis ampliores fient.

Ego jam in aliquibus casibus, ubi cicuta id non præstitit, quod ex ea speravi, aliud remedium adhibui, nec in successu inanis fui.

Si hoc non sufficit: iterum aliud paratum habeo.

Sic per gradus ascendam, & spe maxima fretus sum, fore ut Deus optimus meos conatus, qui unice in proximi salutem fiunt, secundet.

Adversariis meis hic sancte promitto: me eo majorem in hoc studii generre operam impensurum, quo magis ipsi conabuntur me turbare, impedire.

Dum recte facio, neminem timeo.

Licet cicuta sit remedium maxime innocuum, optarem tamen, quivis medicus semper a parva dosi inciperet, sensimque augeret.

Novimus enim quam miræ & diversæ sint hominum idiosyncrasiaæ, hinc possent quidam esse, qui remedium minus ferrent.

Par-

Parva igitur dosi nemo peccabit, quoniam quivis bonus medicus, dum si istri quid observat, abstinebit a remedio.

Verum bene semper est considerandum : an accidat id ex medicamento : an ex symptomatibus morbum concomitantibus , an ex errore in rebus sex non naturalibus commisso.

Sunt qui ex assumptis lapidibus cancrorum , qui certo remedium sunt innocentissimum , anguntur , vomunt , febre corripiuntur , incidunt in animi deliquia , cur non & esse possent , qui , ex latente causa , a cicuta male haberent ?

Verum an ideo cicuta non est medicamentum ? an cicuta ideo debet damnari ? nemo prudens medicus ita cogitabit.

Si

Si usu cicutæ ægro cuidam damnum infertur , id profecto (si rem medice , & stricto sensu prehendamus) non in medicamentum applicatum , sed in errorem applicantis erit rejiciendum.

Sæpe aliena morbo symptomata junguntur , hinc tunc requiritur , ut & alia præter cicutam remedia præbeantur

Si spasmi urgent aut convulsiones , tunc desiderantur nervina , antihystericæ.

Si dolores vehementes sint , nefaria erunt remedia paregorica , opata ; febris magna , & pulsus elevatus refrigerantia , nitrosa exigunt.

In nimia corruptione jungitur cortex peruvianus , aut si sub usu cicutæ oritur febris intermittens.

Sub-

Subinde purgatione opus est , subinde venæ sectione.

Nimius in hunc locum acrimoniæ affluxus fonticulum , aut setaceum postulat.

Neque externe debet semper fomentum aut cicutæ cataplasma apponi , verum mutanda ea sunt , secundum boni medici aut chirurgi judicium & experientiam.

Si linteis carptis diligentur ulcera , tunc in auferendo debet magna cautela agi , ne adhærentia nudissimis vasculis filamenta vi avellantur , unde possent omnia lædi ; oriretur haimorrhagia , & inde sæpe caro fungosa propululat.

Omnia debent prius lenissimo cicutæ infuso , aliove apto liquido humectari.

Sym-

Symptomata magis urgentia s^epe jubent, ut cicutæ usus tam externus quam internus interrumpatur pro aliquo tempore, donec hæc curata fuerint, aut saltem mitigata.

Qui cicutam non ferunt, cum his palliative est agendum, quamdiu aliud remedium ignoramus.

Subinde ossa, tumores, scirrhi in suo meditulio maximum habent dolorem; observavi s^apius eo in loco tunc fuisse erosionem corruptionemve; corruptum autem a fano debet separari, id autem perfici non potest, nisi fiat apertura versus exteriora, hæc quandoque applicatione medicamenti chirurgici, aut instrumento chirurgico fieri debet, s^epe autem sponte fit ex usu cicutæ.

Pro-

Prodit tunc sanies, & fit ulcus ca-
vum.

Rem minus intelligentes credunt
talia ab usu cicutæ fuisse corrupta, ero-
fave, ubi tamen, continuato in eodem
casu cicutæ usu tam interno, quam
externo, sæpiissime sanitas perfecta se-
quitur.

Vidi aliquoties ex usu cicutæ quos-
dam in glandulis scirrhos esse solu-
tos, in aliis autem partibus novos com-
paruisse.

Mirum id erat; verum ægri semper
bene se habuerunt, unde pertinaciter
idem remedium continuavi, & ægros
restitui.

Talia peritum nunquam terrent: &
ideo nequaquam debemus illico mutare
medicamentum.

In victu sunt farinacea non fermentata vitanda, ut & aromatica nimium acria.

Acida pro condimento conceduntur, prædominantia vero minus conducunt.

Vinum bonum iis, qui assueverunt, non nocet.

In parte affecta frictus, aut motus fortior plerumque malum augent.

Si ægri vivant in aëre puro, libero, & si mentem quocunque modo erectam, & hilarem conservent, multum ad curationem confert.

Tristitia, melancholia, mentis inquietudines curam retardant, impediunt, nova mala producunt, & sæpe ex scirrho faciunt cancrum.

Tem-

Tempus quo cicuta curet, & tumores resolvat, determinari non potest.

Etenim quandoque cito id perficitur, quandoque admodum lente.

Neque semper eadem tumorum, ulcerum, cancrorumque natura est.

Fœminæ ultra duos annos ob collitumores dedi cicutam magna dosi, nulla fiebat in his tumoribus mutatio, cum tamen menstrua longe liberius fluerent, vires essent majores, mens alacrior, totusque corporis habitus longe magis perfectus, rogavit ipsa ægra, ne sibi negem has pilulas.

Tandem post binos & dimidium annos fundebantur tumores, & omnia ad statum naturalem redacta sunt.

Nec diuturnus usus nocuit.

Aliam fœminam habeo, quæ ob cancrum mamnæ tantum mane sumit duo cicutæ grana, & sequitur adeo bona, & celeris mutatio, tumorisque diminutio, ut abstantes & ego admireremur, licet fœmina sit septuaginta annorum.

Urina huic fœminæ copiosissime profuit, cum multo glutinoso sedimine; dum autem uno die a cicuta abstinet, pauca est urina, nec videtur sedimentum.

In morbis circa renes, vesicam urinariam, & urinæ vias data cicuta quandoque pulcherrimos præstat effectus.


Subinde curat urinæ retentionem, stranguriam; saepe mingendi dolores opio citius sifit.

Nec

Nec in calculi affectionibus contemnendum est cicutæ extractum.

Ex his patet dignum esse , ut cum cicuta fiant experimenta.

Ego interim nullam ejus virtutem specificam assero , sed ad regulas formandas mutuam bonorum medicorum operam exspecto.



1000. *ATQ[UE] C*
1003. *auditoribus* *ab* *ad* *rebus*
et *curia* *ad* *rebus* *ad* *rebus*
et *curia* *ad* *rebus* *ad* *rebus*
cicis *ad* *rebus* *ad* *rebus*
et *curia* *ad* *rebus* *ad* *rebus*
et *curia* *ad* *rebus* *ad* *rebus*
et *curia* *ad* *rebus* *ad* *rebus*

